جليل محد على زاده (ما نفرالدين)





آدرنشر ۱۹۴۲

باکی

جليل محمد قلى زاده (ملانصرالدين)

حكايهلر

آذرنش باکی – ۱۹۴۲

بیر نیچه سوز

جلیل محمد قلی زاده (ملا نصرالدین) آذربایجانگ بیوك ادبیلریندن بیریدر. او، همچنین دنیا ادبیاتنگ گور کملی سیمالاری قلاسسیقلری ایچریسینده ئوزینه مخصوص فخری برلردن بیرینی دوتور. بو اونودولماز بازیچینگ شهرتی هله ئوز ساغلیقندا بتون دنیایا باییلمشدی. خصوصیله آوروپا و باخین شرق اونگ قیمتلی اثرلریله دائما باخیندان مراقلانیردی. اورتا آسیا، ایران، تورکیه، هندستان و سائر شرق ئولکهلریندن اونا مختلف ایران، تورکیه، هندستان و سائر شرق ئولکهلریندن اولماقدان باشقا فوز زمانینگ گورکملی اجتماعی خادملریندن بیری اولماسینا گوره شرقگ مشهور سیاست آداملاری، عالملری، شاعرلری، ادبیلری اونگلا حسابلاشیر، معین مسئله لرده اونگلا مصلحتله شیرلردی. مشهور متفکر بازیچی میرزه فتحعلی آخوند زاده دن سوگرا جلیل محمد قلی زاده آذربایجانگ ایکنجی بیوك شرقشناس عالمی ایدی.

آذربایجان ادبیاتنی دنیا ادبیاتی ساحهسینه چیخاران تالانتلی قلاسسیقلردن بیریده جلیل محمد قلی زاده در. خصوصیله آپرهل انقلابندان سوگرا جلیل محمد قلی زاده نك شهرتی داهادا آرتمش،

شورالار اتفاقی خلقلرینگ الئے سهویملی یازیچیلاریندان بیری اولمش و اثرلری مختلف دیللره ترجمه ایدیلمشدر.

تالانتلی ره آلیست بیر صنعتکار اولماسی اعتباریله جلیل محمد قلی زاده دنیانگ بیوك ره آلیست یازیچیلاری ایله بیر سیرادا دورور. او گولوشگ—ساتیرانگ نادر اوستالاریندان بیریدر. روس و آوروپا تنقیدچیلری جلیل محمد قلی زاده نی تالانتلی بیر ساتیریق یازیچی اولاراق روسلارك غوغولی، فرانسزلارك مولیهری ایله مقایسه ایدیرلر.

جليل محمد قلى زاده ئوز قلمنى بديعي ياراديجيلغك بتون ساحه لرينده سينامش و هاموسيندا موفق اولمشدر. او آذربايجان ادبیاتی تاریخینه بیوك بیر یوبلیسیست، تالانتلی ژورنالیست، صنعتکار دراماتورغ، حکایهچی هم ده اوستا بیر مهموآریست__ خاطره یازان کیمی داخل اولور. جلیل محمد قلی زادهنگ ياراديحيلغي ١٨٨٨ نجي ابلدن ١٩٣٢ نجي ايله قدر اولان سوك بير دورى احاطه ايدير. او تام ٤٤ ايل ادبي ياراديجيلق ايله مشغول اولمش وبومدت ايجريسينده آذربايجان ادبياتي خزينهسنه چوخ زنگین و قیمتلی بیر ادبی ارث براخوب گیتمشدر. حلیل محمد قلى زاده نك خصوصيله «توليلر»، «آنامك كتابي» قومەدبالارى، «داناباش كندىنڭ اجوالاتلارى»، «قربانعلى ىك»، «ایرانداحریت»، «خانڭ تسىخى» وسائر حکابەلرى عىنى زماندا دنیا ادبیاتی خزینه سنه قیمتلی علاوه لردر. جلیل محمد قلی زادەنڭ يارادىجىلغى أوزىندە يالڭز كىچىش شمالى آذربايجانڭ

حیاتنی و اجتماعی خصوصیتلرینی دگل. هم ده جنوبی آذربایجانگ دا اساس خصوصیتلرینی عکس ایتدیرمشدر. بیوك یاریچی آذربایجانگ هر ایكی حصهسینگ آزادلق و قورتولوشی ایچون عینی کسگینلکله، عینی جدیتله مبارزه آیارمشدر.

جلیل محمد قلی زاده ئوز ادبی یارادیجیلغنا ایلک آددیملاریندان باشلیاراق آذربایجان ادبیاتنا تمامیله یکی مضمون، یکی روح گتیرمش و ایله بیر قهرمان ادبی مکتب یاراتمشدر که بو مکتباتی آذربایجان خلقنا، آذربایجان ملتینا افتخاری اولان و شرقا بیوا اقلابچی شاعری ساییلان میرزه علی اکبر صابر کیمی نماینده لری اولمشدر. بو ادبی مکتب ملا نصرالدین چیلر ادبی مکتبی آدی ایله مشهور اولمشدر. سو گرادان گلن «اود گلینی»، «۱۹۰۵ نجی ایلده»، «آیدین»، «اوقتای أیل اوغلی» کیمی نولمز اثرلرا مؤلفی اولان جعفر جبارلی؛ «دومانلی تبریز» رومانیاتی مؤلفی اولان جعفر جبارلی؛ «دومانلی تبریز» و شاعرلر جلیل محمد قلی زاده نا یاراتدیغی ادبی مکتبا دوامچیلاری حساب اولنورلار.

*

بتون روحی، بتون وارلغی ایله ئوز خلقنه، ئوز ملتنه باغلی اولان؛ عمرینی انسانلغا خدمتده کیچیرن، حیاتنی ئوز وطنینڭ و وطنداشلارینڭ آزادلغی، سعادتی و استقلالیتی اوغریندا صرف ایدن بیوك شخصیتلراف خصوصی شخصی حیاتنی اونلاراف عمومی، اجتماعی ایشلریندن هیچ بیر وجهله آییرماق اولماز. جلیل محمد

قلی زاده ده بیله بیر حیات یولی کیچیرمشدر. اونك حیاتی هر شیدن اول بیوك بیر آذربایجانلینك، بیوك بیر وطنداشك، بیر قهرمانك، بیر مجاهدك حیاتی اولمشدر.

بيوك اديب تاريخ ميلادك ١٨٧٠ نجى ايلينده نخچوان شهرينڭ باخینلغندا اولان نهرام کندینده تولد ایتمشدر. ابتدائی تربیه و تحصیلنی اولجه آنادان اولدیغی کندده، سوکرا نخیوان شهرينده آلمشدر. جليل محمد قلى زادهنڭ نادر بير استعداده صاحب اولدیغی اوشاق یاشلاریندان ئوزینی گلوسترمشدر. گلهحك بيوك اديب هله بالاجا ياشلاريندان اوني احاطه ايدن عدالتسر اجتماعی حیات حقنده، خصوصیله کندلیلر و اونلاراتی آغیر، آحیناحاقلی حیاتلاری حقنده دوشونمگه باشلامشدر. ابتدائی تربیه و تحصیلنی تماملادیقدان سوگرا آتاسی جلیل محمد قلی زاده نبی او زمان غوریده (گورجستان) آجیلمش سهمیناریایا گلونده ریر. بورادا بش ایل جلیل محمد قلی زاده زمانینڭ بتون علملرینی تحصيل ايتمكُّله برابر بير طرفدن شرقك، ايكنجي طرفدن ايسه روس و آورویانڭ بیوك عالملرى، یازیچیلارى، فیلوسوفلارینڭ اثرلريله ياخيندان تانيش اولوب حياته آتيلديغي ايلك گوندن اينجهيه تدقيق ابدير.

مكتب سقامیالارینی ترك ایدوب حیاته آتیلدیغی ایلك گوندن اعتبارا جلیل محمد قلی زاده خلقك اسارتده، قارانلقدا یاشادیغنی دخی آیدینجا درك ایتمگه باشلاییر. وار قوهسیله خلقه، وطنه

خدمت ایتمگه چالشیر. جلیل محمد قلی زاده اولجه بو خدمتی ناموسلی، مبارز بیر خلق معلمی اولماقلا یرینه یتیرمگه چالشیر. سهمیناریانی بتیردیکدن سوگرا ایلك اول ایروان محالنك اولوخانلی کندینده، سوگرا دوغما کندی نهرامده معلملك ایدیر. حقیقی بیر خلق معلمی کیمی ئوز وطنداشلارینگ معارفلنمهسینه چالشماقلا برابر جلیل محمد قلی زاده یوخسول کندلیلرك الایاخین سرداشی، کومکچیسی، مدافعهچیسی اولور. بو خدمتینه گوره خلق آراسیندا بیوك حرمت قازانیر.

لاکن سوگرالار تکجه خلقی معارفلندیرمك و سوادلاندیر ماقلا حقىقى آزادلغڭ ممكن اولمادىغنى گورونچە جلىل محمد قلى زاده باشقا يوللار آرايير. ئوز خلقنه استقلاليت قازانديرماق ايىچون باشقا واسطەلر، باشقا چارەلى دوشونير. يوخسول كندليلرڭ، صنعتكارلارڭ هر يرده ازيلديگني، تالانديغني، ناحق یره آغیر جزالارا دوچار اولدیغنی، خان، بك، یالانچی ملالار و چار چینونیکلری طرفندن اینجیدیلدبگنے گوره رك جليل محمد قلى زاده دعوا وكيلى (آدووقات) اولماق وبو يول ايله محكمه لرده يوخسو للارك، مظلوملارك حقوقيني مدافعه ایتمك فكرینه دوشیر. ترجمهچی و سائر وظیفه لرده اولور. آنجاق چار اصول ادارهسینڭ امانسزلغندان بونلارداندا بیر نتيجه حاصل اولماديغني گورونجه جليل محمد قلي زاده داها الويريشلي بير واسطه آختارير. نهايت خلقه، آزادلغا اولان بیوك و سوڭسز محبتی جلیل محمد قلی زاده نی ادبیات عالمنه

آتیر و ۱۸۸۸ نجی ایلدن باشلیاراق یازدیغی اثرلریله گنج ادیب ایچریسینده دوغوب بیودیگی قارانلق دنیاسندا یکثی و شانلی بیر ایشیق شعاسی کیمی پارلاییر.

نوز ادبی یارادیجیلغنا دخی گنیش بیر ساحه، میدان تاپماق مقصدیله ۱۹۰۳ نجی ایلده جلیل محمد قلی زاده تیفلیسه گلیر و مطبوعات ایله علاقه سینی محکملندیرمك ایپچون ۱۹۰۶ نجی ایلدن تیفلیسده نشر اولونان «شرق روس» غزیته سینه امکداشلق ایتمگه باشلاییر. لاکن جلیل محمد قلی زاده نك بیوكده موقراتیك ایده یالاری، سیاسی استقامتی چوخدا آیدین اولمیان متردد «شرق روس» غزیته سی چهرچیوه سینه سیغماییر. بونا گوره ده بیوك یازیچی خصوصی بیر مطبعه تشکیل ایتمك و خصوصی غزیته نشر ایتمك و خصوصی غزیته نشر ایتمك فکرینه دوشیر. چوخ چتین لکلردن سو گرا او بو آرزوسینه نائل اولور.

۱۹۰۰ نجی ایلده تیفلیسده «غیرت» مطبعهسینی تشکیل ایدیر و بیر ایل اوندان سوگرا ۱۹۰۶ نجی ایلدن باشلایاراق آذربایجانات و عمومیتله شرقات اجتماعی فکر انکشافی تاریخینده چوخ بیوك ایش گورمش «ملا نصرالدین» مجموعهسینی نشر ایتمگه باشلاییر. بو مجموعهنات نشره باشلاماسی آذربایجان و عمومیتله زاقافقازیا اجتماعی حیاتنده بیوك بیر حادثه اولور. مجموعه نشر ایدیلدیگی گوندن بتون آزادلق سهون دهموقرات یازیچیلاری ئوز اطرافنا توپلاییردی و بونات نتیجهسی ایدی که تیز چیر زماندا «ملا نصرالدین» بتون مرتجع قوه لره قارشی

آزادلق، دەموقراتيا اوغرىندا مبارزەنڭ حقىقى مركزىنە چەورېلدى.

جلیل محمد قلی زاده «ملا نصرالدین» امضاسی آلتیندا مجموعهده منتظم صورتده فیلیه تونلار، باش مقاله لر درج ایدیردی و بو زماندان اعتبارا گنیش اوخوجی کتله سی دنیانگ هر طرفنده میوك ساتیریقی ملا نصرالدین اولاراق تانینماغا باشلادی.

چار استبدادی، شرق ده سپوتیزهی، موهومات و نادانلق ایله مبارزه «ملا نصرالدین» مجموعه سینگ اساس سیاسی مقصدینی تشکیل ایدیردی. جلیل محمد قلی زاده ئوزینگ ده موقراتیك ایده یالارینی، یو کسه که آزادلق فکرلرینی چار سه نروراسینگ امانسز شرائطنده ده بیوك بیر مردلك، ایگیت لکله کیچرمگی یاجاریردی. او قهرمان ومبارز بیر یازیچی کیمی چار استبدادینگ کسگین شرائطنده هیچ بیر قورخی و هده دن چیکینمیه رک خلقی قارانلق و اسارتده ساخلایان قوه لره قارشی چیخیردی.

«ملا نصرالدین» مجموعهٔ سی ۱۹۳۰ نجی ایله قدر دوام ایدیر. جلیل محمد قلی زاده ۱۹۲۱ نجی ایلده ایراندا اولدیغی زمان بو مجموعه نگ ۸—۷ نوم و مینی تبریزده نشر ایتدیر مشدر. او، تام ۲۰ ایل بو مجموعه نگ باش محرری و ده داقتوری اولمشدر.

بيوك اديب ١٩٣٢ نجى ايلده باكيده وفات ايتمشدر.

*

بو کتابچادا توپلانمش کیچیك حکایه لرله اوخوجی آنجاق چیوك یازیچینڭ نثری ایله مختصر تانیش اولا بیلهجکدر.

عموميتله جليل محمد قلى زاده ياراديجيلغندا اونڭ نثرئ خصوصی بیر یر دوتور. او یازدیغی بیوك و خردا حكایه لرله نثرائ حقیقی اوستادی اولدیغنی گوسترمشدر. نخصوصیله خردا حكايه لرينده كي، نووه للالارينداكي اوستالغنا گوره جليل محمد قلى زاده آنجاق مشهور خردا حكايه لر مؤلفي فرانسن موياسسان و روسلارك بيوك يازيجيسي چەخوف ايلە مقايسه ايديله بيلر. جليل محمد قلى زاده هر بير خردا حكايهسينده بيوك رومانلارڭ دىيە بىلمەدىگى حقىقتى دىيىر. اونڭ ھر ھانسى خردا بیر حکایهسی بیوك بیر دورك، بیر ئهپوخانڭ حیاتنی، اجتماعی ضدىتلرىنى ئوزىندە عكس اىتدىرە يىلر. جلىل محمد قلى زاده ئوز حكامه لرينده ته لهسمه دن، حس وخياله او ممادان سوك بسر تمكين ايله و سويوق قانليلقلا حياتي حقيقتني اولدیغی کیمی قلمه آلیر. او، هیچ بیر زمان صنعی، بالانجي احوالاتلار الله اوبدورما حكايه لريازمير. مثلا، همين بو كتابدا نشر اولنان «يوچت قوتىسى» حكايەسىندە مؤلف نوروز على آدلى ساده بير كندلينڭ انسانڭ قلبني داغليان یازیق، آغیر و کومکسز حیاتنی ساکت بیر صورتده تصویر ایدیر. ایلك نظرده نوروز علینك حیاتی، گوردیکی ایشلر اونك عوام لغي اوخوحني گولدر بر. لاكن يو گلولوشك آرخاسنجا آجی گوز یاشلاری گلیر. مؤلف عدالتسز اجتماعی محیط طرفندن شكست الديلمش، بديخت الديلمش ساده بير كندلينك

حیاتنی تصویر ایتمکله کیچمشده رهووالیوسیادان اولکی آذربایجاندا یاشایان بتون کندلیلرگ حیاتیله بیزی تانیش ایدیر. «اوستا زینال» حکایهسینده ده بیز ینه عینی تمکینلی، ساده تصویرلره راست گلیریك. بو حکایهنگ هر بیر سطری بیزی اولکی کیمی درین—درین دوشونمهیه مجبور ایدیر، و بیز ایستر—ایستهمز بیله بیر سئواله جواب آختاریریق:—اوستا زینالگ سعادتینه، خوشبخت لگینه مانع اولان، اونی ایشدن و عمومیتله دنیا ایشلرینده همیشه آواره ایدن سبب نهدر؟ بو حکایهده اساس فکر بوندان عبارتدرکه: عقل و ساغلام دوشونجه یولی ایله گلیت! بو یول سنی همیشه خوشبخت لگه آپاروب چیخارار.

«ملا فضلعلی»، «ایکی أر»، «یوخی» و «ایکی آلما» حکایه لرینده ده بیزینه عینی ساده تصویر لره راست گلیریك.

جلیل محمد قلی زاده أیله بیر یازیچیدر که اونگ حقنده جلدلر دولوسی کتابلار باغلانسادا، اونگ اثرلرینه یوزلرجه ایضاحلار یازیلسادا ینهده اونگ هر هانسی کیچیك بیر حکایهسی اوخوجیلارا بو یازیلاردان داها چوخ شیلر دانیشا بیلر. بیز بو مقدمهده بیوك آذربایجان یازیچیسینگ حیاتی و یارادیجیلغی ایله آنجاق اوخوجیلاریمزی مختصرجه تانیش ایتمك ایستهدیك. قوی بو بیوك آذربایجانلینگ بیزه نهلر دیمك ایستهدیگنی اوخوجی اونگ ئوزینی دیگلهسون، ئوزیله حسبحال ایتسون، بیوك صنعتكارگ ئوزینی

محمد جعفر

پوچت قوتوسى

نویابر آینگ ۱۲ نجی گونی ایدی، هوا چوخ سویوق ایدی، اما هنه قار علامتی گورسنمیردی. حکیم آخرنجی دفعه خانگ ناخوش عورتنی یولوخوب جواب ویردی که، دخی ناخوشگ احوالی یاخشیدر؛ بیله که، بیر هفته به دا سفره چیخماق ممکن اولار. خان چوخ تلهسیردی ایروانه گیتمگه؛ چونکه خانی اورادا چوخ واجب ایشلر گلوزلهییردی و بیرده که، قورخوردی قار یاغا و هوا داهادا سویویا و ناخوش ایچون چوله چیخماق داها چتین و بلکه آغیر ممکن اولا. خان قلمی گوتوروب ایروانلی دوستی، جعفر آغایا بو مضموندا بیر مختصر کاغذ یازدی:

«عزیزیم! بیر هفته به دك، امیدوارم، آرواد-اوشاق ایله ایروانه گلیم. ایندی جنابگدان آرتق-آرتق توقع ایدیرم، بیوراساك بیزیم اوتاقلارا فرش سالوب و البته-البته پئچلری یاندیرسونلار که، اوتاقلارك هواسی پیش از وقت تمیزلنسون و ایسینسون، تا اینکه ناخوش ایچون اورادا ناراحت چیلك اوز ویرمهسون، بو کاغذك جوابنی منه تلغراف واسطه سیله یتیره سن، سن منه دیدیگك ایشلرك هاموسینی بر به یر ایله میشم، خدا حافظ!

خان کاغذی بوکدی قویدی پاکهته، اوستینی یازوب و مارقاسینی یاپشدیروب ایسته دی نوکری چاغیرسونکه، آیاروب سالسون پوچتا؛ اما تیز خانڭ یادینا دوشدی که، نوکری گلوندروب ئوزگه ایشه. بو حینده قاپو دوگیلدی. خان چیخدی و گوردیکه، دوگن خانك ئوز كندلیسی «ایت قایان»كندینك اهلی نوروز علی در. بو شخص چوخ وقت خانك یانیناگلوب گیدر و هر گلنده اولمازکه اوندان، أریشتهدن، بالدان، یاغدان گتیرمهسون. بو سفرده نوروز علی الی بوش گلمهمشدی؛ چونکه خانی گورجك ال آغاجنی دایادی قاپونڭ بوجاغینا و باشلادی قاپونڭ اوبيرى تايينى آچماغا. قاپونى آچوب بير يوكلى اولاغى «چوشه---چوشه...» دييه-دييه سوردى حيهطه و يوكك آراسيندان اوچــدورت تويوقــجوجهني چيغيرداــچيغيردا يره قويوب، يوكى آچوب دولى چوواللارى سالدى بره. سوڭرا خانك اوزینه باخوب ایکی قات اگیلوب سلام ویردی. خان سلامی آلوب دىدى:

- آی کیشی، اوروز علی! گنه بو نه زحمتدی، چکمیسن؟ نوروز علی چوواللارك کندیرینی آچا-آچا جواب ویردی:
- بو نه سوزدر، آی خان من ئولنه کیمی سنه قولام...

بو سوزی دییه خوروز علی باشلادی اوستینگ توزینی سیلمگه... او حالدا خانک عقلینه بیله کلدی که، یازدیغی مکتوبی ویرسون نوروز علی آپاروب سالسون پوچتا؛ چونکه گلون

اورتادان بیر ساعت کیچیردی و اولا بیلردی که، پوچتگ وقتی کیچسون. خان اوزینی دوتدی قوناغا:

- نوروز علی، پوچتخانانی تانبیرسان؟ نوروز علی جواب ویردی که:

— آی خان، من کندلی آدامام، من نه بیلیرم پوچتخانا نهدر؟

بلی، خان، باشگا دونیم، تانیبرام، نیه تانیمرام، کیچن هفته من أیله گلمشدیم نهچرنیک یانینا شکایته. خان، آند اولسون سنگ باشگا، بری کاتدا چوخ اینجیدیر، اصلنه باخسان بریم بو کاتدامز ئوزگه طایفاداندی. اودرکه، بری گورمگه گودی یوخدی. کیچن هفته منیم ایکی بیراویم ایتمشدی، گیتدیم...

سهله بو سوزلر کی سو گرا دیبه رسن، قولاق آس، گور نه دیبرم: نه چرنیك دیوانخانه سینك قاباغیندا بیر یئکه دامداش وار، قاپوسینك آغزیندا بیر قوتی ووریلوب دیوادا، همان قوتی پوچت قوتوسیدر. اونك بیر خردا و اوزون قاپاغی وار. بو ساعت آپار بو کاغذی؛ همان قوتی نك آغزینی قووزا، کاغذی سال قوتی نك ایچینه، قاپاغنی یاتیرت و تیز گل!

نوروز علی هر ایکی الین آچدی خانك قاباغینا قورخار قورخا كاغذی آلدی، بیر آز باخدی كاغذا، بیر آز باخدی

خانك اوزینه، سو گرا چكیلدی دیواده سمت و یره اگیلوب ایسته دی كاغذی قویسون دیوارك دیبینه. خان اوجادان دیللندی:

ـــقویما اورا! كاغذ چیركله نر، تیز آپار سال قوتی یا، قوی گل!

-خان باشگا دونوم، قوی بواولاغڭ باشینا تورباکیچیریم، حیواندی آج قالماسون، یولدان گلوب، یورولوب.

ـــــيوخ، يوخ... هيچ زياني يوخدر. كاغذك وقتى كيچير، تورباني سوڭرا كيچردسن اولاغك باشينا.

دى ايلەدە قوى اولاغڭ قچينى باغليوم، يوخسا گليدر آغاجلارى گميرر.

ــ یوخ، یوخ... هیچ عیبی یوخدر، قاچ تیز کاغذی سال گل! نوروز علی کاغذی احمال قویدی قوینونا و گنه دیدی:

-خان قادا گی آلیم، بو خوروزلار قالدیلار بورادا. حیواندرلار، قویایدا قیچلارینی آچوب بیر آز بورادا دن سه پهیدیم. ایله دنده گتیرمیشم.

نوروز على الني سالدى جيبيندن دن چيخارتسون... خان اوجادان سسلندى:

__ يوخ، يوخ... هله قالسون، قاچ، چاپاراق كاغذى سال پوچتا!

نوروز علی آغاجنی آگوتوروب باشلادی اوشاق کیمی قاچماغا... سو گرا بیر زاد فکرلهشوب قایبتدی و اوزینی دوتدی خانا:

-خان، قادا گی آلیم، دسمالك ایچینده یومورتا واری گوزده-قولاقدا اولك، یوخسا اولاغ آغناد، یومورتالادی سیندیراد.

خان داها اوجادان سسلندى:

داها اوزون دانشما، قاچ کاغذی سال، وقتی کیچیر. نوروز علی ایستهدی اوزاقلاشسون، خان اونك دالنجهٔ چیغیردی:

- نوروز علی، بیلمزسن کاغذی ویررسن ئوزگهسینهها! هیچ کسه ویرمه، هیچ کسه گلوسترمه، تیز سال قوتییا، قوی گل! نوروز علی داهادا اوجادان جواب ویردی:

- نیه، من اوشاق دگلم که، کاغذی ئوزگهسینه ویرهم. منی او قدر ده خام بیلمه، هیچ نهچرنیك ده بو کاغذی منیم الیمدن آلا بیلمز.

نوروز علی بو سوزلری دیبهندن سوگرا گوزدن ایتدی... خان گیردی اوتاغا و اوزینی آروادینا دوتوب مهربانلقلا دیدی:

دى، حاضرلاش منيم گلوزيمڭ ايشيغى. كاغذ يازديم ايروانا اوتاقلارى سازلاسونلار. ايندى داها گيده بيلهريك. ماشاء الله ياخشيسان. حكيم ئوزى دييركه، هاواگى ده گيشمك سندن ئوترى لاپ واجيدر.

بیر قدر ده خان آروادی ایله گیتمک بارهسینده صحبت ایدندن سو گرا نوکر گلدی و خانا دیدی:

-خان بو اولاغ کیمکُدر، بو شیلری کیم گئیروب؟ خان جواب ویردی:

- أده او شيلرى ير به ير ايله! اولادى بزه ايت قاپانلى نوروز على سوقات گتيروب.

نو کر جوجه لری و یومورتالاری آباردی آشپازخانایا و اولاغی سوروب قاتدی تویله به. سو گرا گلوب اون لچووالینڭ بیریسینڭ آغزینی آچوب ایچینده کی اوندان بیر چیمدیك گوتوروب گتیردی دوتدی خانڭ قاباغینا و دیدی:

ــخان چوخ ياخشي آغ اوندر.

خان اونا باخاندان سوگرا نوکره بویوردی چوره کی چکوب گتیرسون.

چوره کُڭ يىلمه گي ايکي ساعت چکدي. آنجاق چوره کنن سو گرا نوروز علىنڭ کاغذى پوچتا آپارماغى خانڭ يادينا دوشدى. خان نوکرى چاغيروب سوروشدى و نوکر جواب ويردى که، هله کندلى پوچتدان قايتمايوب. خان نوروز علينڭ بو قدر يوبانماغينا تعجب ايلهدى و فکرينه گلدى: بلکه نوروز على کاغذى پوچتا سالوب ئوزينى ويردى بازارا چوره کدن زاددان آلوب يئسون يا اينکه بازارلغى زادى وار ايلهسون. يرساعت ده کيچدى نوروز على گلمهدى.

خان، نوکری چاغیروب دیدیکه، کیتسون پوچت طرف و گورسون نوروز علی هارادا قالدی و نه باعث اولدی که بیله یوباندی. یاریم ساعت کیچمهمش نوکر قاییدوب جواب گتیردی

که، کندلینی گوره بیلمهدی. خان چیخدی بالقونا و بیر پاپروس یاندیروب باشلادی وارگل ایلمگه و اونا یقین اولدی که، نوروز علین باشینا بیر ایش گلدی که، بیله یوباندی. خان بو فکرده ایدی پولیسك یاساوولی دایاندی قاپویا و خانی گورجك دیدی:

—خان پریستاو بویورور گلهسکز پولسهیه و کندلیکژه ضامن اولاسکز، یوخسا ضامنی اولماسا پریستاو گونده ده جک ناواختا.
خان بو سوزلره او قدر تعجب ایلدی که، اوزینی یاساوولک اوزینه دوتوب مات قالدی و هیچ بیلمهدی که نه دیسون سوگرا

— بالام، او کندلی بیر فقیر آدامدی، او نه قاییروبدی که، پریستاو اونی دوتوب ساخلایوب؟

ياساوول جواب ويردى:

دىللندى:

داها من هیچ زاد بیلمیرم، آنجاق ئوزك پولسهیه بویورسان، یاخشی اولار، یوخسا او کشی یازیقدر.

خان بو احوالاتی آدوادینا بیلدیر مهدی که، ناداحت اولماسون. گهینوب گیتدی پولسهیه و اول آقوشقادان دوستاقلار آ دامینا باخوب گوردی که، یازیق نوروز علی بیر نیچه دوستاقلار ایله او توروب دامك بوجاغیندا و اوشاق کیمی آغلیر، گوزینك یاشینی چوخاسینك أتگی ایله سیلیر...

خان، نوروز علی نات احوالاتنی پریستاودان نوگره نوب و اونا ضامن اولوب کندلیسینی سالدی یانینا و گئیردی أیوه... نوروز علی حیاطه گئیره ن کیمی باشلادی آغلاماغا و سامان

تورباسینی اولاعَث باشینا کیچیروب دیوارا دیبینده چومبلدی. خان گیردی آیوه و بیر پاپروس یاندیروب چیخدی بالقونا؛ نوروز علینی یانینا چاغیروب دیدی:

دى ايندى احوالاتى نقل ايله، نوروز على! سنڭ بو حكايتڭ چوخ شيرين حكايتدى. لاپ كتابا يازيلماليدى، نقل ايله تفصيلا، يعنى هاموسينى بير به بير باشلا بورادان كاغذى گوتوروب آپارماغ گدان تا داما دوشمه گلگه كيمى!..

نوروز على دوردى آياغا، خانا ياووقلاشوب و چوخاسينڭ أتكى ايله گوزينڭ ياشينى سيلوب باشلادى:

باشگا دولانوم خان! منی چهویر بالالار گُك باشینا، منی باغشلا! منیم هیچ گناهم یوخدر. پیر كندلی آدامام، من نه بیلیرم كاغذ نهدی، قوتی نهدی، پوچت نهدی؟ باشگا دونوم، خان، منی دولاندیر او گول اوزلی بالالار گُك باشینا، هیچ زیانی یوخدر؛ هیه، ئولمه نم ساغ قالارام قوللوق ایلرم، عوضی چیخار، بیر غلط ایلهمیشم تا... نه ایلمك، ایندی بیله اولدی. بولار هاموسی آللهداندی، گرك بیله اولایمش، من ئولنه كیمی نوكرم سنه...

بو سوزلری دییوب، نوروز علی بیر آز دا یاووقلاشدی خانا و ایسته دی اونك آیاقلاریندان ئویسون.

— نوروز على! هيچ اوره گيڭى سيخما، من سنه نه ديبرم كه؟ سن منه نه پيس لك ايلهميسن كه، من سنى باغشليام.

--خان قربانڭ اولوم بوندان آرتق داها نه پیسلك

اولاجاق؟ کاغذی الیمدن ویردیم او کافر اوغلی کافر قویدی جبینه، دوزه لدی یولا چیخدی اگیتدی.

ــ کیم کاغذی قویدی جیبینه گیتدی؟

ــ او كافر اوغلى اوروس، داينا.

ـــهارا قویدی گیتدی؟

— گیتدی گیردی اورادا بیر یره، دامداش واردی که، قاپوسینا قوتی وورولوبدر. گیتدی گیردی اورا.

خان بیر قدر دوروخدی و دی*دی:*

ـــ بس سن كاغذى قوتى يا سالمادك؟

- نیجه که، سالمادیم! أیله کاغذی قوتی یا سالان کیمی کافر گلدی قوتینی بیلمیرم نه طهر آچدی، کاغذی گوتوردی آیاردی.

ـــقوتى دا سن سالدىغڭ كاغددان باشقا داھا ئوزگە كاغد. يوخ ايدى؟

ـــنیجه که یوخدی؟ چوخ کاغذ دا واردی، ایله اولاراتی هاموسینی یغیشدیروب آپاردی.

خان قاه ـقاه چکوب گولدی.

_ یوخ، نوروز علی گرك هاموسینی قل ایلیهسن باشدان آخیرا کیمی، نیجه کاغدی آپاردك، نیجه سالدك قوتییا و نه اوسته اوروسلا ساواشدك.

نوروز على باشلادى:

ـخان، باشکا دونوم، من کاغذی بودادان آباددیم گیتدیم

چیخدیم نهچرنیك دیوانخانهسینڭ یانینا. سن منه نشان ویردیگك دامداشی تاپدیم، گیتدیم قوتینڭ قاپاغینی قالدیردیم. ایستهدیم كاغذی سالام قوتییا، بیر كاغذا باخدیم، بیر قوتییا باخدیم، دوغروسی قورخدیم سنڭ منه غضبڭ دوتا؛ دوغروسی بیلمهدیم سالیم، سالمیوم؛ چونكه یادیمدان چیخدی سندن سوروشوم كه، كاغذی قوتییا سالاندان سو گرا دوروم یانیندا یا قویوم گلوم أیوه. فكرلشدیم كه، اگر كاغذی سالیم، دوروم قوتینڭ یانیندا ها واقتا كیمی دوروم. آخی قربانڭ اولوم خان، ئوزك گوردك كه، اولاغی آج قویدوم گیتدیم، جوجهلری قیچی باغلی قویدوم، بیر تیكه اون گتیرمشدیم هله ایندیه كیمیده قالوب بوردا. خان باشكا دونوم، قوی ایله ایندی نوكرگلسون چوواللاری گوتورهك باشگا دونوم، قوی ایله ایندی نوكرگلسون چوواللاری گوتورهك قویاق أیوه، یاغیش—زاد یاغار اون ایسلاناد.

___یوخ، نوروز علی سنڭ ایشڭ یوخدر. دی، سوڭرا نیجه اولدی؟

— کاغذی سالمادیم، قوتینا قاپاغینی ئورتدیم، چکیلدیم دوردیم بیر آز کناردا. اول ایستهدیم قاییدوب گلوب سندن سوروشوم. سو گرا دوغروسی، قورخدیم سنا غضبا دوتا، ئوز کو گلگده دیبهسن که، نوروز علی چوخ حیوان آدامدی، چوخ ایشک آدامدی. غرض چومبلدیم دیوارا دیبینده که، بیر آزیورنوغومی آلیم، آها گوردیم که بیر ارمنی اوشاغی، اولاردی باخ بو بویدا، اولاردی اون ایکی—اون اوچ یاشیندا. گلدی گیتدی دوز قوتینا یانینا. قاپاغینی قالخیزدی و سن منه ویردیگائی گیتدی دوز قوتینا یانینا. قاپاغینی قالخیزدی و سن منه ویردیگائی

كاغذ كيمي بير كاغذ سالدى قوتىيا، قاپاغينى ' تُورتدى، دوز قویدی گیتدی ایشینه. نه قدر او ناانصافی چاغیردیم سوروشوم که، دیسون گلوره کے بس کاغذی قوتیدا قویوب هارا گیدیر؟ بیلمیرم دیلیمی آننامادی، نهدی که، هیچ جواب ویرمهدی؛ هیچ ظالم اوغلی اوزیمه ده باخمادی. ایله ارمنی اوشاغی اوزاقلاشما مشدی بیر اوروس آروادی تزـــتزگلوب قوتییا یاووقلاشوب بير كاغذ سالدى، قويدى گيتدى. تا ايندى من بير آز ئوره كلنديم، ئوزـــئوزيمه ديديم: والله گوريكن بودر كه ايله بو قوتى يا سالنان كاغذلار كرك قالسونلار قوتينك ايجينده. من او قدر اوره كلنديم كه بسمالله دييوب جرئتنن گيتديم قوتينڭ قایاغینی قالدیردیم. کاغذی سالدیم قونی یا، چوندیم گلوم قوللوغوڭا، قوتىدان أيله بورادان اورا كيمي اوزاقلاشمشديمكه، همان اوروس گلدی يتشدی قوتينڭ يانينا. من اول ايله بيلديم که، بو دا ایسته پیر قوتی یا کاغذ سالسون، اما گوردنیم خیر: لوطىنڭ فكرى توزگەدى: قوتىنڭ يانىندان ساغ الىنى اوزادوب قوتينڭ ايچينه. من أل اوستى دويديمكه، حريف ايستهيير كاغدلارى اوغورلاسون... خان، چوخ باش آغريسي ويريرهم، منى باغشلا، اوغلانا بويورگلسون منى يولا سالسون، بىوقتدر، گيدوب كنده يتيشه بيلمهنم.

— آکشی هله هارا قویورام سنی گیده سن، نقل ایله گلوروم سو گرا نیجه اولدی؟

ـــ باشگا دونوم، خان، قربان اولسون سنه منیم یتیمـــ

یسریم، سنسیز منیم بیر گونم اولماسون. بلی، گوردیم حریف اوتانماز—اوتانماز کاغذلاری قوتیدان احماللیجا چیغارتدی. دسته لیوب ووردی قولتوغینا! قوتینڭ قاپوسینی ئورتوب، ایستهدی دوزه لسون یولا، من تیز قاچوب یاپشدیم اروسك قولیندان، قویمادیم گیتسون، دیدیم آی آشنا! هارا آپاریرسان کاغذلاری! خلق سندن ئوتری کاغذلاری بورا سالمیوبدر که؟ دینمز، سویله مز اوزو گیك سویینان خلقك کاغذلادینی قوی یرینه! دیدیم: نوروز علی هله ئولمیوبدر که، سن اونك آغاسنك دیدیم: نوروز علی هله ئولمیوبدر که، سن اونك آغاسنك مالینا طمع سالماز. مگر سیزا شریعتده اوغورلق گناه مالینا طمع سالماز. مگر سیزا شریعتده اوغورلق گناه یازیلمیوبدر؟ خان منی چهویر بالالاریکک باشنا، منی مرخص ایله، قوی گیدیم، بی وقتدر، هاوا قارانلقلیر.

ــ هله تلهسمه، گیدرسن سو گرا نیجه اولدی؟

ـــقوى گوروم هاردا قالديم... أده قويماـــقويما، اولاغ تنكلرى سينديراجاق.

نوروز علی ایسته دی قاچسون اولاغ فی یانینا خان قویمادی.

- گوروم، هاردا قالدیم، نه قدر یالواردیم، یاپشدیم که منیم خانم منی تولدیرر، دیدیم باری منیم خانم فی کاغذینی ویر، نه الا دیدی که، ویرمنم. گوردیم که حریف ایستیر قویا قاچا، والله حرص ووردی تپمه، ایکی اللی یاپشدیم کافر فی چیکنیندن، اوزی اوسته آیله گتیردیم یره که، هیبتدن آغزی قانادی. سوگرا نچرنیك دیوانخانه سیندن تو کولوب منی دو گهدو گه آپاروب

قاتدیلار داما. سنگ قدملریگه بیله من قربان اولوم. سن اولماسایدا منی ایندی چوخدان گوندرمشدیلر سیبیره؛ چونکه دامدا مندن سوائیی بیر نیچه دوستاق وار آیدی، منه دیدیلرکه، او اوروس قوللوق آدامیدی، تا... من نه ایلیوم؟ خان، باشگا دولانوم، دی گور گناه کیمدهدد؟

خان چوخ گولدی، قاه قاه چکوب گولدی، هاوا قادانلقلاشمشدی. نوروز علی آج آجینا بوش اون چوواللارینی آج اولاغك اوستینه سالوب، قاتدی قاباغینا و زوغال آغاجی ایله دو گه گیتدی كندینه.

اوچ گوندن سو گرا خانا ایرواندان تلغراف چیخدی که، «کاغذات یتیشوب و اوتاقلار حاضردر». خان یغیشوب گیتدی ایروانا.

آی یاریمدان سو کرا نوروز علی نی دیوانه گتیروب «قوللوقچینی بی حرمت ایلمك بارهسینده» اوچ آی دوستاق کسدیلر، اما نوروز علی گناهنی بوینینا آلمادی. اوچ آی کیچدی، آنجاق بو خبر ایرواندا ولی خانا چاتدی. خان بو خبری ایشیدوب بیر قدر فکره گیتدی...

اوستا زينال

موغدوسی آقوپ آدلی ارمنی به بیوك اوغلیندان تلغراف گلدی که، تیفلیسدن چیخدی. بو جوان موسقوانگ دارالفنونیندا دورت ایل یاریم تحصیل ایدوب، درسینی اتمامه یتیروب، وطنه گلیردی و همین دورت ایل یاریمك مدتنده آنجاق اوچ ایل بوندان اقدم بیر دفعه والدیننی گورمگه گلمشدی.

بو خبر موغدوس آقوپی، آروادینی و خیردا اوغلینی آرتق درجهده شاد ایتدی: اوچ ایلك آیریلیغندان سوگرا دارالفنون درسینی قورتاران أیولاد ایله گوروشمك خوشبخت لكدر.

موغدوسی آقوپ آروادینا الیندن یاپیشوب، باشلادی اوتافلاری گزمگه، أر و آرواد مصلحتی بو یره قویدیلار که، بو خیردا اوتاقدا عزیز قوناق ایچون قیراوات قویسونلار که، بو اوتاق یاتماق اوتاغی اولسون. همان اوتاغا یاپشیقلی کیچیك اوتاغا یازی اوستولی قویسونلار، عزیز قوناغا یازی اوتاغی اولسون؛ بیوا اوتاغا فرش سالوب ذال و قوناق اوتاغی ایلهسونلر، دوردنجی اوتاغی ایلهسونلر و آلتنجی اوتاغی کیچیك ئوزلری ایچون یاتماق اوتاغی ایلهسونلر و آلتنجی اوتاغی کیچیك اوغلانلارینا تعیان ایتدیلر.

اوتاقلارڭ بير قصورى يوخ ايدى؛ چونكه ديوادلارڭ كاغذى تازه و تميز ايدى؛ تاختا فرشلر تازه شيره لنمش ايديلر. و لاكن يير نيچه گون بوندان ايره لى چوخ شدتلى ياغيشدان زال اوتاغينڭ سقفينڭ بير پارچا گلهجى لامپا آسيلان چنگلْك بير طرفندن آقوشقايا سمت اوچوب توكولمشدى.

موغدوسی آقوپ و آروادی مصلحت ایتدیلر که، بیر بنا چاغیرسونلار و دانشسونلار که، سقفت اوچان برینی گهج ایله سووایوب دوزه لتسون:

موغدوسی اوغلینڭ بو تیزلکده گلمگینی گوزلهمیردی. او سببه که، اوغلی موسقوادان چیخان زمان یازمشدی که تیفلیسده ایکی هفته داییسی أیوینده قوناق قالاجاق.

یاغیشا دطوبتی سقفا اوچان بیریندن چکیلمهمشدی و موغدوسی آقوپ فکرینده قویمشدی که، سقف قورویاندان سو گرا تعمیر ایندیرسون و الا اوغلینا بو تیزلکده گلمگینی بیلسه ایدی، تاخیر اینمهیوب سقفی پیش ازوقت قایندیراددی.

تیفلیسدن بورایا اوچ گونلك یول ایدی. آقوپ آروادی ایله مصلحتی بو یره قویدیلار که، نه قدر ممکن ایسه، تیزلکله اوستا چاغیروب ایکی گلونك مدتنده سقفی تعمیر ایتدیروب قورتارسونلار.

موغدوسی چوخدان بیلیردی که، اونك قونشیلغندا اوستا جعفر آدلی مهارتلی بنا و سلیقه لی گهج چکن وار. موغدوسی، اوستا جعفرك أیوینه گیدوب و قاپوسینی دو گوب اوستانی

سوروشدى. آياق يالين بير آرواد قاپويا چيخوب جواب ويردى كه: اوستا جعفر گيدوب محمد آغانك أيوينه ايشلهمگه وآخشام گلهجك.

موغدوسی بیر آز بیکیف اولدی؛ چونکه داها امیدی یوخ ایدی که، بیکار اوستا تاپا و صباحه کیمی ده اگوزلهمك ایستهمیردی: بیر گونك ایچینده سقفی تعمیر ایتمك و سوگرا اوتاغك توز—تورپاغنی تمیزلمكممكن اولمازدی.

موغدوسی آقوپ گیدوب دکان قونشوسی حاجی رسولا دردینی سویلهیندن سوگرا حاجی رسول تازه ایراندان گلن اوستا زینالی موغدوسییه تعریف ایتدی.

آدام گوندردیلر. اوستا زینال گلدی و بوینونا چکدی، گونی ایکی مناته موغدوسی آقویک سقفنی تعمیر ایتسون، بو شرط ایله که، بو گون باشلایوب، صیاح آخشاما کیمی ایشینی تمام ایدوب اوتاغک گهجنی و تورپاغنی تمیزلییوب قورتارسون. موغدوسی آقوپ عهد ایلدی که، اگر اوستا زینال بو شرطی وقتنده عمله گتیرسه اوستایا داها آلتی آرشین یاریم ماهوت ویرسون. بیر ساعتدن سو گرا اوستا زینال شاگردی قربان ایله موغدوسی آقویک أیوینده حاضر اولدی و الینده کی خورجونی موغدوسی آقویک أیوینده حاضر اولدی و الینده کی خورجونی بالقونا قویوب گیردی اوتاغا و باشینی بوخاری قالخیزوب اوزینی

-خوزه بین، قورخورام صباح آخشاما کیمی باشا گتیره بیلمه یم.

دوتدى موغدوسي آقويا:

موغدوسی آقوپ جواب ویردی که، بورادا نه بیر او قدر ایش وارکه، صباح آخشاما کیمی قورتارمیا.

اوستا ینه دقت ایله سقفه باخوب باشلادی که، بو گلون آخشاما کیمی آنجاق گهج ألهنوب حاضر اولا، پله کن گله، تاختا باغلانا، قاب_قاشیق گتیریله، بونلار هاموسی اوزون ایشدی.

موغدوسی آقوپ سوز ویردیکه، بو ایشلر بیر ساعتك ایشیدر و اوستا زینالدان چوخ آرتق توقع ایتدیکه، بیر آز سعی ایدوب تاخیره سالماسون.

موغدوسی آقوپ قربانا پول ویروب گوندردی بیر یوك گهج آلوب گتیرسون و ئوزی ده آروادی و خیردا اوغلی باشلادیلار اوستانڭ فرمایشلرینی بیر به بیر عمله گتیرمگه. اوستا زینال بالقوندا اگلهشوب چیخارتدی چوبوغنی و باشلادی چکمه گلی. موغدوسی آقوپ کیچیك اوغلی ایله حیه طدن نردبانی گتیروب قویدی اوتاغا، موغدوسی ناتی آروادی اوتاقدان بیر پاچها پاپیروس و بیر قوتی کیبریت گتیروب قویدی اوستا زینال قاباغینا. موغدوسی اوغلی ایله حیه طدن بیر نیچه بیوك و کیچیك تاختا گتیروب قویدی اوشتا زینال فروره موغدوسی گتیروب قویدی اوشتا زینال بویورهاغینا گوره موغدوسی اوغلی ایله گیدوب قونشودان بیر نردبان دا آلوب گتیردیلر.

بیر ساعتدن سو گرا حیه طه بیر یو کلی اولاغ گیردی. اوستی باشی گهج ایله توزلانمش اولاغچی، اوستانگ شاگردی، هرهسی بیر طرفدن یوکک چوواللارینی قوجاقلیوب اولاغک اوستندن گوتوروب گیردیلر اوتاغا و گهجی بوشالتدیلار یره، اولاغچی

چوواللاری اولاغات اوستینه آتوب حیوانات اومباسیندان بیر ده گهنای آیندیروب حیه طدن چیخدی. اوستا زینال چوبوغی چکوب کولینی بوشالتدی و دوردی آیاغا، یاریم ماهوتدان تیکیلمش کوهنه گاهیمه سینی چیخاردوب بو کدی و قویدی بیر سمته و موغدوسینات آروادیندان آلهای ایسته دی. آرواد آله گی گتیرندن سوگرا قربان اوتوردی اوتاغات بیر کونجینده و باشلادی گلهجی آلهمگه. موغدوسی آقوپ، اوستا زینال ایله کومکله شوب نردبانات بیرینی دایادیلار اوتاغات بیر دیوارینا، اوبیرینی دایادیلار مقابلده کی دیوارا و اوستا زینال تاختالارات اوبیرینی دایادیلار مقابلده کی دیوارا و اوستا زینال تاختالارات اوبا بیر اوزونینی و محکمنی گوتوروب قویدی نردبانلارات اوجا فیریت بیر اوزونینی و محکمنی گوتوروب بالقوندان بیر باپروس ایله کیبریت وتی سینی گوتوروب پاپروسینی یاندیردی، اوزینی دوتدی موغدوسی آقوپا:

-خوزه بین، بو اوتاقلاری هانسی اوستا تیکوب؟ موغدوسی آقوپ جواب ویردی که، بیلمرم هانسی اوستا تیکوب؛ چونکه بو اوتاقلاری اونڭ آتاسی تیکدیروب و بیلمیر هانسی اوستایا تیکدیروب.

اوستا زینال بورکینی باشیندان گوتوروب ایچیندن چیرکلی عرقچینینی چیخارتدی، قویدی کیچل باشینا، بورکینی قویدی آقوشقانگ ایچینه و موغدوسی آقویدان سوروشدی:

خوزه بین، اوروسیه تدن گلن اوغلک نیچه یاشیندا اولار؟ موغدوسی آقوپ جواب ویردی که، اوروسیه تدن گلن اوغلی

ایگرمی دورت یاشیندادر و اوستا زینالدان توقع ایلدی که، بیر آز عجله ایتسون.

خوزه یین، هیچ ناراحت اولما، نیه اوره گینی سیخیرسان؟ من نولی ده اولسام صباح گون اورتایا کیمی قورتاررام.

سو گرا اوستا زینال بیر قدر فکرلهشوب اوزینی دوتدی قربانا:

ــقربان، بیر شی یادیما دوشدی، تیز دور آیاغا، دور، اوتورما، گیت بیزده ساخسی له گن وار، کوپه وار اولاری و بیر پارچ دا گوتور گل.

قربان «یاالله!» دیپوب دوردی آیاغا و أتکلرینڭ گهجنی سیلکوب باشماقلارینی گیئدی و یاواش—یاواش اوز قویدی گیتمگه.

موغدوسی آقوپ اوستا زینالا دیدی که: بو شیلرك جمیسی بورادا وار، داها نه لازم زحمت چکمك و وقتی ایتیرمك. اوستا زینال اول بیلمهدی که، نه جواب ویرسون و الینده کی پاپروسی آقوشقانك کونجینه باسوب کیچردوب دیدی:

--خوزه بین، هیچ عیبی یوخدر، نه عیبی وار، بو ساعت قربان شیلری گتیره ر، نه عیبی وار؟

بو سوزلری دیبه ندن سو گرا اوستا زینال آقوشقانا ایچینه أگیلوب باشلادی دقت ایله حیه طه باخماغا و موغدوسیدن سوروشدی:

خوزه بین، حیهطده آخار سو وار؟

موغدوسی آقوپ جواب ویردی که: «همان گودو کن آدخك سویی همیشه آخیر». اوستا زینال «چوخ عجب» دیبوب باشلادی شالینی آچماغا. موغدوسی آقوپ چیخدی گیتدی آدوادینك یانینا. آدوادی بوندان سوروشدی که اوستالاد نه ایشده درلر، موغدوسی آقوپ جواب ویردی که، اوستالاردان گوزی سوایچمیر؛ چونکه «چوخ یاواش ترپهشیرلر».

ساعت یاریمدان سوگرا قربان گلدی. کوپهنی، له گئی، پارچی و بیر لولهین گتیردی. اوستا زینال باشلادی شالینی آچماغا و قربانا دیدی که، دورماسون، تیز سو گتیرسون و گهج قاییرسون. قربان چیخدی بالقونا و کوپهنی گوتوروب یئندی حیه مله، آرخدان کوپهنی دولدیروب گتیردی، له گنه سو توکدی و گهجدن اوووجلایوب باشلادی له گنه توکمگه. اوستا زینال آرخالیغنی چیخادوب بوکدی قویدی آقوشقانگ ایچینه، و «یاعلی!» دییوب نردبان ایله چیخدی تاختانگ اوستینه. قربان و «یاعلی!» دییوب نردبان ایله چیخدی تاختانگ اوستینه و له گنی تاختانگ اوستینه و له گنی تاختانگ اوستینه قویوب یئندی آشاغی. اوستا زینال «بسم الله!» دییوب، سول الی ایله گهجی گوتوروب قویدی مالانگ اوستینه و سقنه ووروب باشلادی سوواماغی.

موغدوسی آقوپ گوردی که، ایش باشلاندی، بیر قدر راحت اولدی. حتا آروادی شادلغندان اوستا زینالا چای تکلیف ایتدی. اوستا زینال چای بارهسینده راضی لق ایدوب آنجاق توقع ۱۳۹

ایلدی که، زحمت چکوب اونا بیر پاپروس ایله بیر کیبریت ویرسونلر؛ چونکه قربانات أللری گهجلی ایدی. موغدوسی آقوپ پاپروسی و کیبریتی اوزاتدی اوستا زینالا، اوستا پاپروس داماغینا سالوب باشلادی ایشینی و دیدی:

ــخوزه بين، اوغلك نيچه ايل درس اوخويوب؟

موغدوسی جواب ویردی که، « اون دورت ایل اوخویوب».

ـــماشاء الله، ماشاء الله ایلهده خوزه بین گرك چوخ کتاب
اوخومش اولا؟

ـــ نه سوز، چوخ اوخويوب.

__ ماشاء الله، ماشاء الله. ایلهده، خوزهیین، گرك خطی ده یاخشی اولا.

موغدوسی آقوپ سوروشدی:

ــ نیجه خطی؟

ـــ يعنى يازماغى، قلمى.

ــ سوز يوخ، ياخشيدر.

اوستا زینال، مالانی قویدی تاختانگ اوستینه و کیچمش پاپروسینی یاندیروب چومبلدی تاختانگ اوستینده و باشلادی:

-خوزه بین، نه قدر یاخشی اولسا من آند ایچه بیله رم که، بیزیم اوخویانلارات خطی کیمی اولا بیلمز. آند اولسون هر ایکیمیزی یارادانا، وطنده منیم قارداشیمك بیر اوغلی وار، اولور ۱۳، ۱۶ یاشندا. یعنی دیبه سن چوخ دا درس اوخویوب، خیر، اول-آخیر بتدی-سکز ایل مسجده گیدوب گلستانك

آنجاق ایکنجی بابینا کیمی متننی اوخویوب، اما دی گل خطنه، آلله باغشلاسون، الله ئوز جلالی خاطرینه سنڭ ده أیولادیکڭ داغنی سنه گوسترمهسون یازیقسان.

موغدوسی آقوپ دینمهدی که، اوستا زینال صحبتی مختصر ایسینه مشغول اولسون.

قربان بیلدی که، له گنده کی گلهج قورویوب ضایع اولوب، نردبانا قالخوب له گله ی ئیندیروب باشلادی گهجی قاشییوب یره توکمگه و تازه گلهج قاییروب قالخدی نردبانا. اوستا زینال پاپروسك باشینی گهجه باسوب جیزیلتی ایله کیچیرتدی و باشلادی سوواماغی و بو صحبتی:

-خوزهيين، نيه سيزك يادشاهكنز يوخدر؟

موغدوسی آقوپ جواب ویرمهدی و اوتاقدان چیخدی. یاریم ساعتدن سوگرا موغدوسی آقوپ اوستالارات یانینا گلوب گوردی که، اوستا زینال یئنوب آشاغی. قربان پارچ ایله سو توکور، اوستا اللرینی یویور له گنگ ایچینه. موغدوسی اوستا زینالدان سوروشدی که، نیه بس ایشلهمیر، اوستا جواب ویردی که، گلون اورتا نمازینگ وقتی کیچیر، بو ساعت گیدوب نماز قیلوب گلوب ایشلهیهجك.

ساعت یاریمدان سوگرا اوستا زینال چیخدی تاختانگ اوستینه و قربان باشلادی گهج قاییرماغی. موغدوسی گوردی که، اوستالار ایشلهمگی باشلادیلار، بونلاراتی یانینا گلمهیوب اوتوردی قاباق اوتاقدا که، بلکه اوستا زینال صحبته مشغول اولمایوب

شیرین ایشلهسون. موغدوسی غزیته ناف ورقنی گوتوروب دمیر یولان بو طرفه حرکت ایتمگی ناف حسابنی ئوگره نیردی که، گورسون اوغلی هانسی قطار ایله چیخا بیلر و وطنه نه وقت گله بیلر.

ــقربان، گهج قاییر... اوستا زینالگ بیله سسی گلدی. موغدوسی بیله حساب ایدیردی: دمیر یول قطاری تیفلیسدن اگر صبح ساعت بشده چیخمش اولسا، آخشام یتیشر «آلمالی» منزلینه.

-قربان، تقلیدافی کیمهدر؟..-اوستا زینالگ سسی گلدی. قرباندان جواب چیخمادی. موغدوسی حساب ایدیر: صباح آخشام دمیر یول قطاری پتیشر «قورتلار» منزلینه، بو حساب ایله صباح یوخ، بیری گون صبح ساعت دوققوزدا گلن ماشین ایله گوزلهمك اولار.

اوستا زینال بیله صحبت ایدیردی. سیزك ولایتك مسلمانلاری اگر مسلمانا بیر توك قدر اوخشییرلارسا منیم آتاما لعنت. گوریرسن: سیزك او بی ناموس آغا صادقی؟ کیچن هفته اولاردا ایشلهییردیم. ملعونك دولتی حددن آشوب. دبیرم آغا صادق قارداش، بو دولتی ندن توتری جمع ایدوبسن؟ نیه بیر کربلا زیارتینه گیتمیرسن؟ حیاسیز اوغلی حیاسیز اون ایکی امامه آند ایچیر که، ممکن ایلیه بیلمیرسن، آی لوند؟ که، ممکن ایلیه بیلمیرسن، آی لوند؟ نیه بس آت نیه بس عمارت قایرتدیرماغی ممکن ایلیرسن؟ نیه بس آت ساخلاماغی، ماهوت چوخا گیمه گی، اوچ آرواد آلماغی

ممکن ایلیبرسن؟ داها سنڭ ارمنیدن نهیڭ آرتقدر؟ غرض، قربان، سیزك ولایتك مسلمانلاری چوخ بیغیرتدرلر. گهج ویر!.. قربان یللهلری چیخاـــچیخا باشلادی:

-- اوستا، الله آتاگا رحمت ایلهسون. آغا صادقك هیچ تقصیری یوخدر، آغا صادق نه ایلسون؟ امام ئوزی گرك آدامی ایستیه. اگر امام ایستهمهسه نه جور زیارته گیتمك اولار؟

اوستا زينال حرصلي كيمي اوجادان سويلهدى:

— آکشی، گیت ایشگه سن الله، احمق—احمق دانشما. نیجه گرك امام ایستیه؟ اگر آدامدا امام محبتی اولماسا، داها امامك نه ویجینه گلوب او جور ملعونی ایسته سون؟ امامه چوخ لازمدر که، آغا صادق کیمی احمقلر اونك زیارتینه گیتدی یا یوخ؟ قربان گهج له گنینی قالخیزا —قالخیزا باشلادی:

- اوستا، هر نه دیبرسن دی، اما امام آدامی ایستهمه پنجه زیارته گیتمك اولماز.

اوستا زینال آجیقلی باخدی قربانگ اوزینه، تاختانگ اوستینده چومبه لوب باشلادی پاپروسینی یاندیرماغی و ألـقولینی آتاـآتا دیدی:

— باخ، منى گوريرسن بير كاسب بنه لرك بريبهم، بير مالا و بير خورجوندان سواى ئوزگه بير مال دولتم يوخدر؛ چونكه اولدن من دنيا مالى فكرينده اولماميشام؛ چونكه دنيا مالى دنيادا قالاجاق، الله تعالى ئوزى قرآن مجيدينده بويوروب: «جهان اى برادر، نماند به كس...» الله سنڭ ده ئولنلر گه رحمت ايلهسون،

رحمتلك آتام زنگانلی حاجی حیدر، زنگاندا معتبر آداملارا بیری ایدی و توزینه گوره یاخشی دولت قازانمشدی. ایله که، آتام وفات ایتدی—اوندا من اون ایکی یاشیندا ایدیم. منی ایسته دیلر أیولندیرسونلر. هامودان آرتق بو فکرده عموم کربلای غلامعلی ایدی که قیزینی ویرسون منه. قیزی دا هله بیر آز اوشاق ایدی. گل له گنی گوتور گهج قاییر... قیزی اولاددی آلتی، یدی یاشیندا؛ من دیدیم که اگر منی دار آغاجیندان آسسا گزدا پشایندا؛ من دیدیم که اگر منی دار آغاجیندان آسسا گزدا چهارده معصومی زیارن ایتمهینجه آیولنمه نم؛ چونکه قیز دا هله بیر آز اوشاق ایدی. هر چند عمومك زیارته گیتمه گیمه بیر سوزی یوخ ایدی، اما من گوردیم که عمومك خواهشی اول منی آیولندیرمك، سوگرا زیارته یوللاماقدر. دیدیم واللهی و باللاهی ایستهیرسگز منی ئولدیرا ایستهیرسگز آج قویك، آنجاق گیده جگم.

موغدوسی آقوپ گیردی ایچری و گوردی که اوستا زینال تاختانك اوستینده چومبه لوب صحبت ایدیر. موغدوسی قاشقا باقلی باشینی قالخیزدی اوستا زینالا طرف و هر ایکی ألینی یوخادی دوتوب دیدی:

— آی اوستا زینال سن الله، ایشکه مشغول اول، بلکه صباح آخشاما کیمی قورتاراسان؛ یوخسا صباح قورتارماسان، گرك ایشی یاریمچیق قویاق، چونکه بیرسی گون تیزدن قوناقلار گله حك.

اوستا زینال دوردی آیاغا و مالانی گوتوروب الینی ووردی بر کیمش گهجه و قربانا دیدی:

ــــقربانگەج قايير.ـــو سوڭرا اوزينى چوندەردى موغدوسى. آقويا:

آخ خوزه بین، آخی من باشیما نه داش سالیم؟ بو جور احمقلر آدامی ده لی دیوانه ایلیر، قویورلارکه، آدام باشینی سالوب آشاغی، ایشینه مشغول اولسون؟

موغدوسی آقوپ قاش قاباقلی اوزینی دوتدی اوستا زینالا:

— آی رحمتلك اوغلانلاری، آخی سیز بورایا ایشلهمگه
گلیبستگز، یا دعوایا؟ بس سیز دعوا ایلیهجگسگز ایشی کیم
گورهجك؟

اوستا زینال موغدوسییه طرف چونوب الینده کی مالانی ایکی دفعه ئوز دوشینه ووروب دیدی:

ایشی من اگوره جگم، من، اوره کگی نیه سیخیرسان، خوزه بین؟ جانگ ساغ اولسون، بو نه ایشدی که، من صباحا قورتارا بیلمهیم؟ من ئولمهمیشم که، سنڭ ایشڭ یاریمچیق قالسون. اگر من سنڭ ایشگی صباح قورتارماسام، من سندن بیر قپیك ده ایستهمیرم.

_یاخشی، اوستا زینال، دوتاق که سن مندن بیر قبكده ایسته مهدافی، بس منیم خیریم نهدی که، ایش یاریمچیق قالسون و قوناقلار گلوب أیوی بو شکلده گورسونلر؟

-- هیچ اوره گنگی سیخما، خوزه بین. الله کریمدی، امید کی ۲۷

بیر آللها باغلاکه، بری ـ گوگی بوخ بردن خلق ایلیوب؛ اوره گثی نیه سیخیرسان؟ اگر اللهك التفاتی اولسا، بیله ایش اولماسون که، اون بیله ایش اولسون، بیر دقیقه ده قورتاردام، اگر اولماسا، داها منیم گناهم نه دی ... قربان گله ویر.

آخشاما بیر ساعت قالیردی، اوستالار، اللرینی یویوب ایشدن چیخدیلار. سقفت آلتی حصه دن آنجاق بیر حصه سی قایریلمشدی. اوستالار گیدنده موغدوسی آقوپ آنجاق بونی توقع ایله دی که، سحر ایشه تیز گلسونلر.

اوستا زينالك موغدوسييه ويرديكي جواب بو اولدى:

ــ اوره گُکی سیخما، خوزه بین، الله کریمدی.

صبح تازه ایشیقلانبردی. اوستا زینال و قربان اوز قویمشدیلار موغدوسی آقویت أیوینه گیدوب ایشله ملکه و اوستا زینان شاگردینه بو سوزلری دیبردی:

—قربان، منقصدا سنی بو تیزلکله چاغیردیم. قارداش، بیر آز تیز گیده او کشینگ ایشینی قورتاراق؛ چونکه ایشدی، اگر قورتارماساق خجالتلك چکهریك. اولا بودرکه، کشینگ اوغلی گلیر، قوناغی—زادی اولاجاق، ایکنجی بودر که، آخی سوز ویرمشیك. کشی اودرکه، ویردیگی سوزه عمل ایلهسون و بیرده حاجی رسولدان دا عیدر، او کشی ده ولایتده ئوزینه گوره بیر آدامدی.

قربان بیر سوز سویلهمهدی و بیر قدر کیچندن سوگرا سوروشدی: - باخشی، اوستا، ایندی سن بو ایشی پودراتا گوتورمیسن که، بو گون آخشاما کیمی قورتاراسان، ایندی بیله دوتاق که، قورتارمادك، بس نیجه اولاجاق؟ پولدان یانا ارمنی بیزی اینجیتمیه؟

— آی کشی، سن حضرت عباس، بوش—بوش دانشما، أیله سوز دانشیرسان که، پیشمش تویوغْ گولمه گلی گلیر. کشی، نیجه قورتارمیام؟

— آخی، آی اوستا من دیمیرمکه، قورتارمیاجاقسان، آنجاق دیبرم که، ایشدی، قورتارماسان...

_ آکشی، سن امام حسین ئوز کی دستگاها قویما.

اوستالار یتشدیلر موغدوسی آقویک أیوینه و یاریم ساعتدن سو گرا اوستا زینال چیخدی تاختانگ اوستینه. قربان باشلادی آگهج قاییرماغی و صحبتی.

- اوستا، بیزیم خوزه بین یاخشی آداما اوخشاییر. اوستا زینال گلهجی لهگندن ساغ الیله گوتوروب جواب ویردی:

__ ياخشى آدام اولماغينا ياخشى آدامدى، الله دينه گتيرسون؛ اما نه فايدا.

-- اوستا، من بیر شیئه مات قالیرام، یاخشی ارمنیلر بو آشکار لیقدا زادی گورمیرلر؟ بونلار نیه بس دونوب موسورمان اولمیرلار؟ اوستا زینال گهجی مالا ایله سقفه ووروب دیدی:

--- قربان، بو ایشلر هاموسی سردر. بونلاری هیچ باشا هم

دوشمك اولماز. بولار هاموسی الله یانیندادر؛ چونکه بیله فرض ایله، ارمنیلرات هاموسی چونوب مسلمان اولدی، اوندا جهنمی الله کیمدن ئوتری خلق ایدوب و کیمی اورا گونده ره جك. بو ایشلرات هاموسینات بیر سببی وار؛ یوخسا ارمنیلر چوخ یاخشی بیلیرکه، بیزیم مذهبمز اولارینکیندان یاخشیدر. خدای عذو جل... —اوستا، سوزگی ده کسیرم، هله دیبه که، موسورمان اولماسونلار، من بیلیرم بونلار هله نیجه دونوز أتیندن ایگرنمیرلر. اوستا زینال مالانی قویدی تاختانات اوستینه؛ چوبوغی گوتوروب باشلادی دولدیرماغا و آلجاق سسله دیدی:

-- من دبیرم که، ارمنیلر ئوزلری ده گلوروبلر که، دونوز أتینده بیر لذت یوخدی؛ اما بویونلارینا دوشوب، تا أل چکه بیلمیرلر. نه ایله سونلر یازیقلار؟ آدامك آدام خوره گی اولار، حیوانك دا حیوان خوره گی و بیرده بونلار هاموسی اللهداندی، گل له گهنی گلوتور كه ج قاییر!

قربان چیخدی نردبانا و باشلادی:

-- بلی، قیل کورپیدن کیچنده دی تماشا!..

اوستا زينال چو وغيني توستولهدوب باشلادي:

ــقربان بیلیرسن نه وار؟ ایشك اصلی حق یولی تانیماقدادر، انسان که، حق یولی تاپدی. انسان که، خدای ^اتعالینك...

موغدوسی آقوپ ایچری گیروب دینمز سویلهمز باخدی اوستا زینالك اوزینه، اوستا زینال اوزینی موغدوسییه دوتوب سوروشدی:

ـــآی خوزه بین، سنی آند ویریرم اینجیله، بیر منه دی گوروم، او زهرماردا نه لذت گوروبسکزک، بیرسکز؟

موغدوسی آقوپ حرصلهنوب ایکی الینی یوخاری قالخیزوب قالمدان دیدی:

ـــآی کشی، بیر منه دی گوروم، سن بورا ملالیغا که گلمهمسن؟

خوزه بین، قا**داك آلیم،** تا نیه حرصله نیرسن، بیر سوزدی آغزیما گلدی، سوروشدیم. قربان گهج قاییر!

موغدوسی دینمه دی. اوستا زینال چوبوغی تاختانگ اوسته قویوب گوتوردی مالانی و باشلادی ایشله مگی.

موغدوسی اول ایسته دی که، ایشی یاریمچیلق قویوب اوستالارا خسابنی کسوب، رد ایتسون؛ اما آروادی راضی اولمادی و دیدی که: «داها بوندان سوگرا هارادان ئوزگه اوستا تاپیلوب سقفی آخشاما کیمی قورتارا بیله جك. داها ایشی ناتمام قویماق اولماز؛ یا لازم ایدی تعمیره هیچ باشلاماماق؛ ایندی که، باشلانوب قورتارماق لازمدر».

أر و آرواد مصلحتی بو یره قویدیلار که، موغدوسی آقوپ گیدوب حاجی رسولا احوالاتی سویلهسون که، حاجی رسول یا غوزی گلسون و یا بیر آدام گوندرسون اوستا زینالك یانینا تاکید ایسون که، شرط اولونان حقندن بیر منات دا آرتق آلوب اوستا زینال آخشاما کیمی البته ایشینی تمام ایتسون. موغدوسی آقوپ گیتدی حاجی رسولك یانینا و درد—دیلینی اونا سویلهدی. حاجی

رسول ظاهرا اوستا زینالک رفتاریندان نهایت درجه ده ناراضی قالوب اوغلینا دیدی که، دورمایوب گیتسون و فلان فلان شده یه دیسون که: «اگر بو گون آخشاما کیمی ایشینی تمام ایتمه سه اونگ حقی یتیشه جك و نه ده داها بوندان سو گرا اونی بیر ئوزگه سینه تعریف ایده جك». حاجی ناف اوغلی یاریم ساعتدن سو گرا قاییدوب گلدی و جواب گتیردی که، اوستا زینال آتاسیناف قبرینه آند ایچوب دیبر که، حاجی آغا هیچ اوره گینی سیخماسون، اگر اللهاف التفاتی اولسا، بو گون آخشاما کیمی سقفی تمام ایده جك و اگر ایتمه سه بیر قپاکده حق ایسته میه جك. موغدوسی آقوپ بو سوزلراف قاباغیندا داها بیر سوز سویله مه دی و باشینی آشاغی آگوب ایسته دی د کاندان چیخوب گیده. حاجی رسول موغدوسینی چاغیروب اونا بو سوزلری دیدی:

—هارا گیدیرسن، موغدوسی کیروه؟ گل بیر آز صحبت ایله گوره که نه وار، نه یوخ؟ دعوادان—زاددان نه دانشیر لار.

موغدوسی دکانگ قاپوسیندا دوروب، بیر جواب ویرمهدی و ساعتی چیخاردوب حسینه قویوب دیدی:

حاجی، گرك گیدهم بازارا، بیر آز ایشیم وار. أیوه ده گرك گیدهم گوروم اوستالار نه قاییریرلار.

- آی کشی سن مذهبان، بوشلا قویسون، گیتسون. أیلهدی موغدوسی کیروه؟ گورونیر که، منیم سوزلریمی ظرافت حساب ایلیورسن. من که اوستا زینالا سفارش ایلهدیم؛ او که، منه سوز

ویردی ایلیه بیلمز سوزینه عمل ایلهمهسون. لاپ آدخاین اول و گل اوتور، بیر آز صحبت ایلیهك.

دوغروسی حاجی، منیم اوستالاردان گوزیم سو ایچمیر، قورخورام ایشی یاریمچیلق قویالار.

ـــآى موغدوسى، سن دينڭ بوشـــبوش دانشما، گل اوتور، گلورهك.

حاجی رسولك اوغلی موغدوسی آقوپا بیر ستول تكلیف ایتدی، موغدوسی اوتوردی و حاجی رسول اگله باشلادی آند ایچوب موغدوسینی ایناندیرماغاکه، اوستا زینال سوزینگ اوستینده محکم آدامدر، اوستا زینالی او چوخدان تانییرکه، اوستا زینال مؤمندر، الله بنده سیدر، غیرتلیدر، صادقدر، ایش گورندر، زیره کدر، عقللیدر، آرتق درجهده وفالیدر و ایندییه کیمی بیر دفعهده نمازینی قضایه قویمایو بدر.

اوستا زينال همان وقت قربان ايله بيله صحبت ايديردي:

-قربان، گوریرسن بو ارمنی ملتنی. ایستیرسن یوز مین دفعه اماما، پیغمبره آند ایچ، قسم ایله، هیچ وقت سنگ سوزگه اینانمیاجاق. دی که، آی کافر اوغلی کافر، بورادا نه بیر او قدر ایش وار که، سن منیم سوزیمه اینانمایوب، حاجی رسولی التماسچی سالمیسان. گل له گهنی گوتور، گهج قاییر!

قربان نردباني قالخاــقالخا باشلادي:

— اوستا، بیریسی که اللهی داندی، لامذهب اولدی، هیچ بیر شیئه قائللیگی اولمادی، چتیندی اونی ایناندیرماق.

قربان کوپهنی گوتوردی که، له گنه سو تو کوب گله قاییرسون و گوردی که کوپهنین سویی قورتادوب و بیر آز دقت ایدندن سو گرا گوردی که، سو آخوب تو کولوب یره. کوپهنا او طرفینه بو طرفینه دقت ایله باخوب گوردی: کوپه بیر طرفدن چاتلایوب. قربان اوزینی اوستا زینالا دو توب سوروشدی:

۔۔اوستا، کوپه گز ایر الیدن چاتداق ایدی، یا تیزلکده سینوب؟

اوستا زينال جواب ويردى:

_ یوخ، بیزیم کوپه سینیق دگل، یوخسا سن سیندیرمیسان؟ اوستا زینال باشلادی آشاغی آینمه گی و کوپهنی الینه گلوتوروب اوزینی دوتدی قربانا:

ـــقربان، بو کوپه بیزیم دگل، بیزیمکی کوهنهدی و بیر آز بوندان بیکهدی.

قربان بیر آز فکر ایدوب چیخدی بالقونا و الینده بیرکوپه گتیردی. اوستا زینال همان کوپهنی قربانگ الیندن آلوب مات مات باخدی قربانگ اوزینه و درین آه چکوب دیدی:

_قربان، الله سنه لعنت ايلهسون!

بو سوزلری دییوب، اوستا زینال گنه مات—مات باخدی قرباناتی اوزینه، قربان داها بیله دینمز —سویلهمز باخیردی اوستا زینالگ اوزینه.

اوستا زينال بير آه چکوب ديدي:

ــقربان الله سنه لعنت ايلهسون. ارمنينڭ كوپهسينده سو

كتيروب گلهج قاييردان و دنيا عالمي موندار ايلهديڭ، الله سنه لعنت ايلهسون!

قربان دینمه یوب مات—مات باخیردی اوستا زینال اوزینه، اوستا زینال اوزینی تورشودوب ایکی دفعه توفوددی یره، بیر دفعه قربان اوزینه و حیه ه چیخوب گیتدی اوتوردی آرخین کناریندا و باشلادی اللرینی یوماغی و سو گرا اوتاغا گلوب قربانا دیدی که شیلری یغیشد یرسون و آقوشقان ایچیندن پالتارینی گوتوروب گنه قربان اوزینه بیر دفعه توفوردی و اوز قویدی چیخوب گیتمگه. قربان دا کور—پشیمان باشینی سالوب آشاغی و خورجونی گوتوروب دوشدی اوستان دالینا. موغدوسین آروادی أیله بیلدی که، اوستالار چوره که چیخیرلار.

همان دقیقه حاجی رسول دکاندا موغدوسی ایله صحبت ایدیردی و موغدوسینی ایناندیریردی که، اوستا زینالی او چوخدان تانییر که، اوستا زینال مؤمندر، الله بندهسیدر، غیرتلیدر، نهایت درجهده وفالیدر و ایندییه کیمی بیر دفعهده نمازینی قضایه قویمایوب.

بو گون آخشاماکیمی موغدوسی آقوپ، آروادی و کیچیك اوغلی اوتاقدان نردبانلاری، تاختالاری و گهجی ایشیگه داشییوب اوتاغی تمیزلهمگه مشغول اولدیلار. موغدوسی هردنبر یاریمچیق سقفه باخوب اوستا زینالی یاد ایدبردی.

بو گون آخشاما كيمى اوستا زينالڭ آروادى أرينڭ پالتارلارينى يويوب قوروتماغا مشغول اولدى، اوستا زينال

چیپلاق اوتورمشدی أیویند. و گوزلهیبردی که، پالتارلاری قورویاندان سوگرا گیتسون حمامه و تمیزلنسون.

صبح ساعت دوققوزدا دمير يول ايله موغدوسي آقوپك اوغلى گلدى وطنه.

ايول ١٩٠٥ ايل، تيفليس.

نگرانچيلق

تیفلیسده اسلامیه مهمانخانهسینگ اوچنجی نومرهسینه ایکی نفر مسافر دوشمشدی. ایکیسیده نخچوانلی ایدی: بیری براز مشهدی حیدر ایدی، بیری ده آیاق اوسته آلیش ویریش ایلین مشهدی غلام حسین ایدی.

همان گون مهمانخانه بیر نفرده گلدی دوشدی، بودا شیروانلی مشهدی محمد باغیر ایدی که، ئوزگه نومره لرده بر اولمادیغیندان قاباقکی مشهدیلرات داضیلغی ایله همین اوچنجی نومره بیر قراوات قویدیردی، بونلارا یولداش اولدی.

آوروپا دعواسینگ سیبندن شهر باس هاباس ایدی و مهمانخانه لرده آدام الیندن یر تاپیلمیردی، او سببدن دخی گنیشلك و آسوده لك آختار ماغا مجال اولمیردی و عرض ایلدیگمز کیمی داریشلغا هامو دؤزیردی. باهالق دا که ئوز قاعده سبله.

اوچنجی مسافر مشهدی محمد باغیر اصلا معارفپرور بیر شخص ایدی و تیفلیسده خیلی تانشلاری وار ایدی. همان آخشام بونك گوروشینه مسلمان معارفپرورلریندن ایکی نفر جوان گلدی: بیری غزت مخبری میرزه رضا تبریزلی، ئوزی ده خیلی معلوماتلی و معدوماتلی و

غیرتلی بیر جوان ایکنجیسی شاعر و ادیب حسن بك گتجه لی، روس رئیسی اوخومش و مسلمانجا دا ئوزینه گوره تحصیل تاپمش بیر وجود.

اوچنجی نومره یه بیر سماور ایستهدیلر و بو بش نفر آغا بیر آز وقتده بیرـــبیرینه دخیده مهربان اولوب باشلادیلار شیرین صحبتى. ياريم ساعت كيچمهمشدى كه، نخچوانليلارڭ گوروشينه اوچنجی بیر نفرده داخل اولدی که، بودا معلم میرزه محمد قلی ایدی. آغالار مشغول اولدیلار صحبته و چای ایچمگه. میرزم محمد قلى چايينا قند سالوب اوزيني دوندي همشهر ليلرينه و ديدي: «مشهدی غلام حسین، من أیودن چوخ نگرانم، بیر هفته اولار که نخچواندان داداشم یازمشدی که، بیزیم صادق ناخوشدی، بیچاره اوشاق أیله اوشاقلغندان سیسقادی، اما او جورکه، کاغذدا یازیلمشدی من دوغروسی قورخدیم. اول کاغذ یازدیم و سوگرا تاب گتیرمهدیم بیر تلغرافدا ووردوم. ایندی نه کاغذا جواب وار نه تلغرافا، اودر که سیزائے اگلمه گنگزی ایشیدوب ئوزیمی یئتیردیم بورا که، بلکه دیدیم سیز بیلهسکٹز. اولا بیلر که بیزیم جعفری بازاردا-زاددا گورمیش اولاسگز، یا بلکه بیزیم أیودن بیر شی ایشیتمش اولاسکژر. غرض که چوخ نگرانم. مشهدی غلام حسین و مشهدی حیدر جواب ویردیلر که، صادقت کیفسز ٔ اولماغینی نخچواندان نه ایشیدوبلر، نه ده جعفری بازاردا آگوروبلر، و هر ایکیسی حیفسلندیلر که، بو ایشدن خبرلری یوخدر. آغالار همین صحبنده ایدیلر که، اوتاغْك قابوسی یاواشجا آچیلدی و گنه

ئورتىلدى. نومرەدە صحبت ايدنلرڭ بيرى يا بلكه ايكيسى قايونڭ بو جور آچیلوب ئورتیلمه گنه دقت ایلهدی، اما قالان قوناقلار بونی بیلمه دیلر و بیر ایکی نفر ده گوردیسه ده بونا اهمیت ویرمهدی. قایونی یاواش آچوب ئورتن یولیس ماموری ایدی که، یالتارینی ده گیشوب آرادا جماعت ایجینده دولانبردی و ئوزینی أیله ساخلایپردی که، بیر کس بونڭ نه ایش صاحبی اولدیغنی دويماسون. همين شخص بير ساعت بوندان قاباق كوچهده گزه رکن اسلامیه مهمانخانهسینه جمع اولان مسلمانلارا دقت سالوب شئیکلهنمشدی که، بونلار ایشسیز دگللر و اوچنجی نومره یه یغیشماقلاریندا یقین که، بیر پالیتیقا و یا ملی صحبتلر و تدبیر لری وار و البته که، بیر یارا جوانلار اولا بیلر که، بعضی مسئله لرله مشغول اولسونلار. حکومت ماموری قلیونی بیر آز آچوب هرچند آغالاری گوردی، اما سوز یوخ، بیلمهدی که هارادان و نه دانشیرلار و دالاندا آرتق دایانماغی دا لارمسز گوردی، چونکه مهمانخانه صاحبی و قوللوقچیلاری دییه بیلردیلر که، «سن کیمسن و نه ایسته پیرسن». بو سببدن مامور یاواش_ ياواش أندى كوچەيە.

اوچنجی نومره ده آغالار نخچوانلی میرزه محمد قلینگ نگرانچیلغنا تاسف ایتدیلر. چونکه گوردیلر که، بو بیچاره حقیقتده أیله چوخ نگراندر، شیروانلی مشهدی محمد باغیر ایکنجی استکاننی چکدی قاباغینا و اوزینی میرزه محمد قلی یا دوتوب دیدی: میرزه من ایندی بیلرم که سن نه چکیرسن، چونکه منیم ده

بأشيما گلوب، دوغرودان بو نگرانچيلق يامان شيدر، الله هيچ كسه گوسترمهسون. بيلدير، يعنى بيله تخميناً يدى، سكز آى اولار، یای فصلی ایدی، اوشاقلاری گوندرمشدیم کنده، ئوزیم ده شهرده ایدیم، هوا ده نه قدر دیسون ایستی ایدی، آخشام اوتورمشدیم، چای ایچیردیك، ادیب «حضمی»ده بیزده ایدی، قاپو آچیلدی نو کریمز قاسم گیردی ایچری. من دیك آتیلدیم: قاسم نه خبر؟ قاسم جواب ویردی که: «آغا، خانم دییردی تیز گلسون کنده»،—«نیه، نه اولوب، دوغروسینی دی گوروم، اوشاق آزارلاميوبكه؟»-«خير-خير، والله آى آغا بير كس آزارلامیوب، اما بالاجا اوغلان گیجه سحره کیمی یاتمایوب، ایله هی آغلایوب بلمهدیم سانجیلانوب یا نهدی، خانم منی گوندردی که، هاردا اولسان، دورمیوب تشریف گتیرهسن کنده».-دیدیم: «قاسم، یقین که بیر زاد وار، مندن گیز لهدیرسن، دوغروسینی دی گوروم، بلکه مندن گیزلهدیرسن، بلکه اوشاغك باشینا بیر ایش گلوب». دخی بوندان آرتق نوکر منه بیر سوز دیمه دی. اما ایندی آخر انسانك عقلی وار، من ئوز ـــ ئوزیمه فكر ایله دیم که، دوغریدان اگر بیر قورخولی مطلب، بیر بدبخت لك أولماسا، دخى عورت منى بورادان كنده چاغيرماز، ئوزيم ده كه، بير هفته يوخدر كه، كنددن گلميشم. خلاصه ها فكر لهشيرم، بير یانا چیخاردا بیلمیرم. دوردوم فایطون دوتدیم، قاسیمی دا گوتوردیم، دوشدیك یولا. یولدا هوا قارانلقلادی. ایندی گلکه، فكريمه مين جور شيلر گلير: گاه دييرم، يقين كه اوشاغك باشينا

بیر ایش گلوب، گاه دیبردیم آناسی بلکه آزارلیوب، بلکه نوکر مندن گیزلهبیر، خلاصه، کنده یتیشهنه کیمی منیمکی منه ده گیب، لاپ ئولوب گیتمیشم. دخی منده جان قالمایوب. آخیردا یتیشدیم که، نه وار، نه وار، اوشاق آخشامنان بیر آز سانجیلانمش ایمیش، آخیردا بیر چای قاشیغی یاغ ویروبلر یاخشی اولوب. خلاصه بو نگرانچیلق پیس شیدر.

مشهدی محمد باغیر سوزینی قورتاران کیمی اوتورانلار بیر سس ایله دیدیلر: بلی، نگرانچیلقدان دنیادا پیس شی یوخدر.

شاعر و ادیب حسن بك گنجه لی دوردی آیاغا بوش استكانینا ایكی تیكه قند سالدی و باشلادی ئوزی چای توكمگه و توكه ـــ توكه دیدی:

— سن هله اونی دبیرسن، مشهدی، اما او نگرانچیلغی که، من چکمیشم، الله هیچ کست باشینا گتیرمهسون. اوچ ایل یا بلکه دورت ایل دی، باخشی یادیمدا دگل، بیزیم بخشعلی بك گیدیردی گنجهیه؛ آپاردیم واغزالا، بیلهتی آلدیم و یولا سالدیم گیتدی. او گونل صباحیسی تیفلیسه خبر گلدی که، دمیر یولدا بیر ماشین اوچوب داغیلوب و مینیکلردن بیر نیچه نفری شکست اولوب و نیچهسی ده تولوب. من بونی ایشیتجك دوغروسی دخی تولوب گیتدیم. هرچند هانسی ماشینگ اوچماغی معلوم دگلدی، اما دییهسن ایله منه یقین اولمشدی که، داغیلان بخشعلی بك مینهن ماشیندر. گوتوروب گنجهیه داداشیما تلغراف ایلدیم. الله مینهن ماشیندر. گوتوروب گنجهیه داداشیما تلغراف ایلدیم. بخشعلی بك

ئوزی جواب ویرمشدی که، «نگران اولما سلامت کلوب یتیشمیشم گنجه به». دخی سو گرا هیچ معلوم اولمادی که اوچان ماشین هانسی ایمش. باکی به گیدن ایمش، یا باطوما گیدن ایمش. غرض که، هر کس نه دبیر دیسون، دنیادا بو نگرانچیلقدان پیس شی بوخدر.

بو حینده نومره نڭ قاپوسی گنه بیر قدر آچیلدی و گنه ئورتیلدی و لاکن اوتاقداکیلار اعتنا ایلهمهدیلر.

گنه آغالاردان بیر نیچهسی دیدی: «بلی، نگرانچیلق پیس شیدر».

نخچوانلی مشهدی حیدر پاپروسینی سالدی آیاغینگ آلتینا و باشلادی بو جور صحبتی: «حسن بك، سن هله یاخشی قورتاروبسان، هله الله راست سالوب كه، سنگ نگرانچیلغگ بیر گون چكوب، اما او نیجه در كه، بیر هفته نگرانچیلقدان نه یوخی یوخولایاسان، نه بیوب ایچمگه اشتهالا اولا. من کیچن نوروز بایرامندان بیر هفته سو گرا گیتمشدیم ایروانا، ئوزیم ده حاجی معصوم عمومك اوغلی مشهدی سلیم گیله دوشمشدیم، چونكه مرحوم حاجی معصوم مرحوم عموم حاجی نعمت ایله یگانه دوست ایدیلر. من ایروانا چاتان کیمی حاجی نازدی آیولرینه. لازمی شرمت می ایروانا چاتان کیمی حاجینات خیردا اوغلی مشهدی علی اکبر چیخدی قاباغیما و زور ایله منی آپاردی آیولرینه. لازمی شرمت و مهربانچیلق، خلاصه سوزیم اوردا دگل، گیجه ییوب ایچدیك و یاتدیق. من ئوزیم دوغروسی یوخویا هیچ او قدر اینانان دگلم، اما او گیجه یوخودا گوردیم که، بیزیم مشهدی کاظم وفات

ايدوب. سحر دوردوم آياغا، هيچكسه بير سوز ديمهديم. چاى ایچوب مشهدی علی اکبر ایله چیخدیم بازارا. بیر ایستهدیم واقعهمه هیچ معنا ویرمهیم، قولاق آسمییام، اما گوردیم که، دخی هیچ بير ايش دوتا بيلميرم. هر نه ايليرم، يوخوم گلوب دورور قاباغیمدا. گوردیم که، ایش بیلهدر، گوتوردیم نخچوانا بیر «سروشنی» تئیل ووردیم. او گون آخشاما کیمی قراریم لاپ کسیلدی، بیلمه دیم که نه قاییریرام. بیدیگم حرام، ایچدیگم حرام، خلاصه بیر طور گیجهنی کیچرتدیم، سحر آچیلدی، اما تلغرافدان بیر خبر یوخ. گون اورتایا کیمی بیلهجه گوزی یولدا قالدیم. نهار وقتی ایدی که، آخر تلغرافچی گیردی ایچری و تئیلی ويردى منه. آچوب اوخوديم. تلغراف أيودن ايدى، آنامكْ ديلندن یازیلمشدی که، «دورما گل نخچوانا». ایله بونی بیلجهك لاب قورودوم. خلاصه، نه باشگزی آغریدیم همان گون یغیشدیم دوشديم يولا، صباح آخشام يتيشديم نخچوانا، اما ناانصافلار، دیمه گینهن مشهدی کاظم دا ساغ سلامت، هامو دا سلامت، آنجاق بیر باغ سودامز وار ایدی، باغی ئوزگهسینه ویریرمشلر. اگر من ئوزيمي تيز يتيرمهسهيديم، باغ ألدن چيخاجاقمش. مختصر ایندی گوراف بو نیچه گونی من نهار چکمیشم. والسلام که، بو نگرانچیلقدان دنیادا چتین شی یوخ ایمش.

آخشامدان دورت ساعت کیچدی. قوناقلارا اوچی دوردی آیاغا و «خدا حافظ»—«سلامت قال» ایلیوب مهمانخانهدن چیخوب گیتدیلر و گیده و گیده یول اوزونی کنه ئوز ئوزلرینه

دیبردیلرکه «دوغریداندا نگرانچیلق پیس شیدر»، مهمانخانهده قالان مشهدی حیدر، مشهدی غلام حسین و مشهدی محمد باغیر دا ایسته دیلر سویونوب یا تسونلار و بونلاردا بیر-بیرینه دیبردیلرکه، «دوغریدان دا دنیادا نگرانچیلقدان پیس شی یوخدر».

او که قالدی تغییر لباس اولان مامورا، او دا، مهمانخانه ناش هه نده وه درینده چوخ وورنوخدی که، بیلسون آیا بو ملتپرستلر نه خیال ایله مهمانخانه یه یغیشو بلار و بونلار گوره سن نه سیاسی مسئله لر اورتالغا قویوب مذاکره ایلییرلر و نه تدبیرلر تو کورلر. اما نه قدر سعی ایلهدی، بیر شی باشا دوشه بیلمه دی و باشا دوشه بیلمه دی گندن نگران قالدی.

حقیقت، دنیادا بو نگرانچیلقداندا پیس شی یوخدر.

ایکی أر

بو احوالات که، آشاغیدا روایت اولنور، شاید کهنه لمش و چینه لمش مسئله لر قبیلیندن نظره گلسه، زیرا نکاح و طلاق صحبتلری، خاه حکایه لرده، خاه مقاله لر واسطه سیله، بیزیم تورك مطبوعاتندا دفعه لر ایله یازیلوب، اوخونوب و ایشیدیلو بدر.

و لاكن او احوالاتكه، مناونك بارهسينده صحبت آچماق ايسته ييرم، ظن ايديرم كه آزــآز اتفاق دوشسون و بهر حاله خيلى مراقلى و ايشيتمه ليدر، او درجه به كيمى كه، ايندى، اوقتيا بر اقلابنك اون ايلليگىنك مقابلنده ييله بير حادثه خارق العاده و عقله سيغيشمايان بير «ناغل» حساب اولونا گرك.

و لاكن ـــحقیقتدر و بو حقیقتك شاهدی حقیر ئوزیدر.

او شهر که بو احوالات اورادا واقع اولوب آراز چایینا یاویق، آذربایجان شهرلرینگ بیریدر. و نیجه که دیندار ایران تورپاغنگ قونشوسی—بو شهرك اهالیسی ده ایمان اهللریندن بیر ذره قدرینجه گئیری قالان دگیللر: دیمكاولار که، اهالینگ کلیسی الله تعالی تعیین ایتدیگی عبادت و ریاضتنده برقرار، نماز یومیه ئوز وقتنده، حتا نافله نمازلاری و سائره سنتی نمازلارینی جا به جا ایدن مقدس بیر جماعتدرلر.

ها بیله رمضان آینگ شرائطنی تفصیلاتلا یرینه یتیرمك، حج و زیارت شهدا و ماه محرمالحرامدا كربلا مصیبتنی لایقنجه یاد ایتمكده بیرنجیلگی قازانان مسلماندرلار.

همین بو دیندار اهالینك وطنینده تقریباً اوقتیابر انقلابنك قاباقلاریندا، یعنی اون—اون ایکی ایل بوندان قاباق بیر الله بنده سی یاشایبردی که، اسمی حاجی رمضان ایدی.

حاجی رمضان «ایدی» دیمکده من اونا اشاره ایتمك ایسته پیرم که، بو بندهٔ خدا ایندی حال حیاتدا دگل، بیر نیچه ایل بوندان مقدم ایشیتدیم که، وفات ایدو بدر.

حاجی نافی صنعتی حمامچیلق ایدی، یعنی حیدر آغانافی حمامینی اجاره یه گوتورمشدی، ایله یادیمدادر که، ایلین مدتنده همان اجاره ایتدیگی حمامدان آلتی یوز منات صاحبنه ویرردی و بیر او قدر ده بلکه نوزینه زحمت حقی قالدی.

چون حاجی رمضان بیزیم قونشومز ایدی، اونکچون دا اونگ نه اینکه حمام اجاره سینگ تفصیلاتی، بلکه أیو آیشگینگ خیردا پارا ایشلری ده کلوز قاباغیندا ایدی و من محترم اوخوجولادیمی ایناندیریرام که، حاجی رمضان و عورتی شهربانونی چوخ ایستردی. او قدر ایستردی که، عورتگ یولندا حاجی رمضانگ ایکی دفعه خلوتجه آغلادیغنی من گورمیشم.

بیر دفعه عورتینه هیچ بیر شی اوستینده آجیغی دوتوب طلاق ویرندن سوگرا... و ایکنجی دفعه حاجینات آغلاماغنی او وقت گوردیم که، عورتیله باریشاندان سوگرا ایکنجی دفعه گنه آجیغا

دوشوب بوشایاندان سوگرا بیچاره کیشی گلدی منیم آتامك یانینا و اونا باشلادی یالوارماغا:

سهدی علی عسگر عمو اوغلی، آند ویریرم سنی او غریب امام رضایه که، من ده غریب بیر آدام کیمی أیویمده اوتوروب غربا تك آهانه ایدیرم. گل زحمت چك گیت حاجی اسدگیله و او کیشی یه دی که، حاجی رمضان بیر غلط دی ایلیوبدر.

دیمك، حاجی اسد حاجی رمضانگ عورتی شهربانونگ آتاسیدر و حاجی رمضان عورتی ایکنجی دفعه بوشایاندان سوگرا او قدر غم غصه ایدیر که، تکلیگه تاب گتیره بیلمهیوب، گلوب اوره گینگ دردینی منیم آتاما آچیر، اوندان وساطت و معاونت تمنا ایدیر.

حاجی رمضان قیرخش، اللی یاشیندا اوجا بوی بیر کشی ایدی. عورتی شهربانو، اوتوزبش یا بیر آز آرتق یاشیندا گو گچهك بیر آدواد ایدی. بونلارك أولادی یوخ ایدی و اولدن هیچ ده اولمامشدی. ظاهرا ایاخشی یولا گیدیردیلر و کیشینات عورته اولان محبتی نیجه که، عرض اولوندی اکافی درجهده ایدی، اما سبب نه اولدیسا ایکی ایلات مدتنده آرالاریندا نه واقع اولدیسا حاجی رمضان عورتی شهربانویا ایکی ایلات مدتنده ایکی اولد مدتنده ایکی اولیت بشیمان دفعه طلاق ویردی و ایکنجی طلاقدان سو گراگنه نهایت بشیمان اولمشدی و اونات ایجون ده آتامات یانینا التماسه گلمشدی.

ازبسکه بزیم حاجی اسده بیر نوع اوزاق قوهوملوقمز

چاتیردی و حاجی اسد هر حالدا آتامَكُ سوزینی یره سالمازدی و اونكُ ایچون ده رمضان آتاما پناه ٔگئیرمشدی.

خلاصه بو دفعه ده ایش یاخشیلقلا دوزلدی، چونکه بو دفعه ده شهربانویا ویریلنطلاق، طلاق رجعی حساب اولنوردی. شهربانونك عده سی تمام اولمامشدی، خالام گیل گیتدیلر عورتی گتیردیلر آری حاجی رمضانا تاپشیردیلار و بو دفعه اوندان خواهش ایتدیلر که، دخی بوندان سو گرا مهربان دولانسونلار که، بیرده ئوزلرینی و ئوزگه لرینی زحمته سالماسونلار.

بو احوالاتدان بیر ایل کیچمشدی که، دیدیلر حاجی رمضان عورتی شهربانو ایله سوزه گلوبلر و سو گرا ایشیتدیك که، حاجی گنه عورتینك طلاقنی ویروبدر.

بو دفعه دخی بونلارات مابینینه گیرن اولمادی، هر کس بو خبری ایشیدیردی، گولمکدن باشقا غیری بیر جواب تاپا بیلمیردی ویرسون وده لی دیوانه دن سوایی حاجی دمضانلا عورتینه بیر غیری آد تاپا بیلمیردی قویسون.

اما آخیردا أر و آرواد گنه باریشدیلار، چونکه بونلارا ییر بیر بیر بیریله بیر بیریله میچ بیر عداوتی یوخ ایدی، آنجاق بیر بیریله دالاشوب بوشانماغا محض عادتکرده اولمشدیلار.

اما بو دفعه بونلارك باشينا بير قضاوقدر گلدى كه، بير—بيريله يولاً گيتمهمكلرينڭ و تيز—تيز آيريلمالارينڭ نتيجهسينده ئل ايچينده آبرولرى گيتمگدن سواى، عاشقلارك ديلينه و حكايه يازانلارك قلمينه دوشوب رسواى جهان اولديلار.

ییله که، شهریمز فی ملالارینائی جملهسی بیر رأیه اگلدیلر که، موافق شرع شریعت شهربائونی دوباره أری حاجی رمضانا قایتاروب عقد ایتمك ممكن دگل، تا او وقته ده ك که، شهربانو بیر غیری شخصه أره گیده، اونا موافق قاعده ایله آروادلق ایده و سو گرا موافق شریعت اوندان بوشانا وعده سی چیخا و محض اوندان سو گرا یاد بیر عورت کیمی گنه ایره لیكی أری حاجی رمضانا قاییدوب عورت اولا بیلر.

اوللر من ده بو سوزه اینانمادیم و قونشولوقمزدا حاجی ملا علیدن بو مسئله نی سوروشدیقدا دوغریدان بیلدیم که قرآندا همین فقره معین صورتده قید اولنوبدر.

حاجی ملا علی حتا قرآنی آچدی و بیلمیرم هانسی یریندن بیر بیله آیه ده گتیردی که، کویا اگر بیر مسلمان بنده عورتینه ایکی دفعه طلاق ویرندن سو گرا گنه اوچنجی دفعه اونی بوشایا، او وقت داها او عورت او کیشی به حلال اولا بیلمز «فلا تحلوله من بعد حتی تهنکحو زوجاً غیره»، یعنی نوزگه بیر أره گیتمهینجه دخی قاباقکی أرینه حلال اولا بیلمز.

من أیله قانیردیم که، او برده که، بیر ایشك، چتین بیر مسئله نك، ئوزگه بیر حلی، غیری بیر چاده سی یوخدرسا داها او یرده چوخ دا آتیلوب دوشمك، یا چوخ فکرلشمك لازم دگل، زیرا زمانیکه سنك قاباغگا قرآن آیه سی کیمی «حبل المتین» قویولوب ثبوته یتیریرلر که، فلان یول ایله یوخ، فلان یول ایله

گیتمه لیسن، داها بورادا بیر ئوزگه چاره یوخدر گرك همان یول ایله، خوشسا دا ناخوشسا دا گیتمه لیسن.

هر چند حاجی رمضان ایچون قرآن شریف اورتالغا قویدیغی تفسیر هیچده الویریشلی دگلدی، اما اهل ایمان حاجی رمضان ایچون بوندان باشقا بیر تفسیر اولا بیلمزدی. دیمك گرك شهربانو موقتی صورتده غیری بیر أره گیتسون.

پس کیمه گیتسون؟

بو مسئله ظن ایدیرم دنیادا یاشایان جمیع عورت صاحبی أرلر ایجون مشکل بیر مسئله گرا اولا.

نه طور اولسون که، حاجی رمضانك گوزلری باخاباخا ایستگلی عورتی بیر ئوزگه کشی به أره گیتسون؟ آخیر او عورتدن حاجی رمضان أل چکمه یوبدر؟... هله نه اینکه أل چکمه یوبدر، حتا بلکه گیجه لرده اوندان ئوتری بیقرار اولوب یوخولیا دا بیلمیر.

آها؟.. حاجی رمضان داداشمزائ فکرینه بیر شی گلدی و اوره کدن درین بیر آه چکدی. همین آه أیله شفابخش بیر آه ایدی که، حاجی ناف اوره گینده هرنه قدر کدورت و عهده سینده نه قدر آغیر لقدا آغیر یوك وار ایدی فورا اونلارك هاموسینی یونگولله شدیروب، اونا بیر نجات یولی گوستردی.

حاجی رمضان خیالیندا قویدی که، شهربانونانی صیغهسینی اوخوتسون حمامنانی تولامبارچیسی کربلای امام علی.

بو کشی چوخ بیر فقیر، آلتمش یاشندا پژمرده حال، بیر

چیرکلی، میرکلی ایرانلیدر. سحردن آخشاما ده ک پیشه سی کاروانسرالردن حمامه تازه پهیین داشیماق، اونی حمامت دامندا قوروتماق و قوری پهیینی کوره کلیوب حمام کورهسینه تو کوب یاندیرماق ایدی.

کربلای امام علی سوبای بیر کشیدر و أیوی أیشیکی اولمادیغندان حمام دالانیندا یاتیردی. خیلی کاسب اولدیغی جهتدن حاجی رمضانا برك اطاعت آیدوب گیجه گوندوز پهیین ایله چالیشیردی که، اورادان اونا چاتان بیر تیکه چوره کدن آلی أوزولمهسون.

هر چند بو ایش ظاهرده حاجی رمضان ایچون چوخ آسان وجهله دوزه لن ایشه اوخشاییردی، اما آخیردا أیله اولمادی.

حاجی گمان ایدیرمشکه، بلی شهربانونگ صیغهسی ظاهرا و رسماً اوخونوب شرعاً کربلای المامعلییه عورت اولار، نه عیبی واد کربلای کشی ئوز تولامبارچیلغندا و پهیین قوروتماقلغندا، شهربانو ایسه ئوز آتاسی حاجی اسدائه أیوینده. بیر نیچه گوندن سو ترا صیغه گئیری اوخونار، یعنی رسماً کربلای شهربانونائی طلاقنی ویره د و نوز وقتنده ده شهربانونائی گنه صیغهسی حاجی رمضانا اوخونار و بیلهلکله ایش قورتاروب گیدر.

هيهات! نيجه خام خيال.

شهرانی جمیع شریعت مدار و حقوقشناسلاری بو رأیهده متفق اولدیلار که، کربلای امامعلی، شرعی شهربانویا یاویق دوشمهینجه

اونگلا موافق شریعت جفت اولوب عورتی ایلهمهیینجه شهربانو بو کشی به أره گیتمش حساب اولونمیاجاق و بیلهلکلهده حاجی رمضانك نیتی دوزه لمیهجك.

دانشیردیلار که، حاجی داداش بورادا خیلی زحمته دوشدی: او ملایا یاناشدی بوفاضلدن مسئله ایتدیردی، حیلهٔ شرع یوللارینی آختاردی و بو یولدا چوخ خرج قویدی، حتا، چاروسیز قالوب کربلای امامعلی یه ده پناه آپاردی. اونگلا دا نه ایسه خلوتده چوخ دانشاردی.

أيله باشا دوشديم كه، چاره أله كتيره بيلمهدى: چونكه من ده بير وقت گورديم و قونشولاريمز د! بونا شاهد اولديق كه، حاجي رمضان کربلای امامعلییه ئوز محلهسینده موقتی بیر منزل کرایه ایلهدی، اورادا کشی بیر اوتاق دوشتدیردی، کربلای کشیناتی اوست باشینی تازه لدی و بیر نیچه گوندن سو گرا شهر بانونی همان كربلاى امامعلىنڭ منزلينه گئيرديلر. بوندان سوگرا محله اوشاقلاری گاهدان بیر کربلای امامعلینی تازه منزلینه گیدن گورنده اونك دالنجا او قدرگولوشوب قیشقراردیلارکه، آخردا حرصله نوب یردن داش گوتوروب اوشاقلارا اوسته آتاردی. اما هاموسیندان گولونج بو ایدی که، حاجی رمضان عمو هر چند گیجه لر شهر بانونك یانیندا قالمازدی و قالا دا بیلمزدی، اما گوندوزلر قدیمدن عادت ابتدیگی کیمی بازاردان أت، چورهك آلوب الينده سبت آپاراردی و قاپودان شهربانونی چاغيروب ویردکن، آدواد دا یاد آدواد کیمی باشیندا چادقاد، اوزی فردتیلی گلوب أتی آلوب آپاداددی. قونشولادك دیدیگینه گوره حاجی، شهربانویا بیرجه بونی دییردی: «آی قیز کیفك نیچهدد؟». قاباقجا حاجی، کربلای امامعلی ایله شرط قویمشدی که، شهربانونك طلاقنی تیز بیر وقتده ویرسون. اما بیلمهدیك سبب نه اولدی که، بو ایش تاخیره دوشدی و بیر نیچه آی چکدی. بیر دیدیلر که کربلای امامعلی شهربانونی داها بوشاماق بیر دیدیلر که کربلای امامعلی شهربانونی داها بوشاماق بیر نیچه یوز منات پول ایسته بیر. بیر اوقات سویله بیردیلر که بو ایکی أدك آداسندا شهربانونك اوستینده بیوك انزاع عمله گلدی.

اما نتیجهده ایشلر پیس کیچمهدی.

بیر گون دانشدیلار که، کربلای امامعلی شهربانونگ طلاقنی ویروبدر و بیر نیچه وقتدن سوگرا دیدیلر که، حاجی رمضان شهربانونی نکاح ایدوب أیوینه گئیروبدر.

بو حکایه نی ایندی قلمه گتیرمکدن منیم مقصدیم بودر: من ایسته پیرم بونی قید ایدم که، بیر بیله ایشلر، یعنی کشیلر طرفندن عورته اوچ دفعه طلاق ویرندن سو کُرا او عورتی غیری بیر کشی یه نکاح ایتمك مجبوریتی تازه بیر صحبت دگل:معلوم در که، دیندار مسلمانلار آراسندا بیله احوالات لار همیشه اتفاق دوشوبدر و بونا کیچمش وقتلرده بیر کس نه تعجب و نه ده اعتراض ایدردیلر.

اما بودا معلومدرکه، ایندیکی عصریمز أیله بیر عصردرکه، أر ایله آرواد تیز—تیز دالاشیردا و تیز—تیز باریشیردا. نه شریعتك نکاهی، طلاقی و نه کربلای امامعلینك وساطتی اونلارا لازم اولمیر، سبب بودر که، ایندی داها انسانلار آزاد یاشاماق ایچون ئوزلرینه آزاد بیر یول تاپوبلار.

ملا فضلعلي

منبرك ديبينده بير غريب ملا اوتورمشدى. ايله كه، مرثيه تمام اولدى و مسجد ساووشدى، من ده جماعت ايله چيخديم كوچهيه، گورديم كه، همان تانيديغم ملا منيم داليمجا گلير. من بونا طرف چونوب باخاندا بو منه چوخ ادبله ديدى:

ـــ آخوند ملا نصرالدين، بو گيجه سيزه قوناعام.

دیدیم: قوناق الله قوناغیدر و اوز قویدیق بیزیم منزله طرف ملانك آدی آخوند ملا فضلعلی ایمش. یاشی اولاردی قیرخ بش، اللی؛ بویی اوجا و آزجا آدیق. یول ایله صحبت ایده ایده بونی دا بیلدیم که، آخوند فضلعلی ناتی پئیشه سی مرثیه خانلقدر و ایراندان بیر نیچه گون بوندان قاباق بیزیم ولایته گلوب که، محرملکده مسجدلرا بیرینده مرثیه اوخوماق ایله بیر قدر خرجلك اله گتیرسون و قاییتسون وطنینه و صحبت آداسندا اشاره ایلهدی که، بو باره ده من اونا کومك ایدیم. من الیمدن گلهنی وعده ویردیم و بونی دا آخوندا تاکید ایتدیم که، نه قدر بیزیم شهریمزده در منه قوناقدی.

آخشام وقتی ایدی. عورت چوره گی و چایی یر به یر ایندی. یبدیك، ایچدیك، بیر قدر ده صحبت ایندیك، آخونداژ کیفی بیر آذ دا آچیلدی و حتا بیر قدر ده آواز ایله اوخودی. سسی ده بابت ایدی؛ نیجه اولمش اولسا، بتون عمرینی مرثیهخوانلقداکیچیروب اونك ایچون ده سسی خیلی پیشگین ایدی.

آخوندا اوبیری اوتاقدا بر سالدیق، یاتدی.

گیجهنگ بیلمرم نه وقتی ایدی. گوردیم اوشاقلار آناسی ئوز ئوزینه میرتدانیر. قولاق آسدیم، بیر شی باشا دوشمه دیم. بیر آز داکیچدی ایشیدیرم که، آرواد گنه ئوز ئوزینه دیلله نیر و دیبر: «باشگا کول، آی بیله ملا».

من تعجب ایلهدیم و بیر قدر ده قولاق آسدیم، گوردیم که، آخوند ملا فضلعلی ئوز_ئوزینه یاواشجا «جونم—جونم» دییه دییه اوخویور. آرواد دا بونك اوخوماغینا دینیرمش. بیر قدر کیچر منی یوخی دوتور.

صبح تیزدن دوردیق؛ چای، چوره کے بیوب قوناغمز ایله شیرین صحبت ایده ایده چیخدیق بازارا و اورادان گیتدیك مسجده، من همان گون قاضی ایله دانشدیم و قرار قویدیق که، «پیرجوان» مسجدینده آخوند ملا فضلعلی محرمت اونونا کیمی مرثیه اوخوسون.

آخشام گلدیك أیوه و آروادا دیدیم که، دخی قوناغمزا ایشی دوزه لوب و نگرانچیلقدان چیخوب و اولا بیلر که، گیجه نی راحت یاتا و بیزی ده بیدار ایله میه.

بو آخشام دا ملانی موافق قاعده چای چوره کدن یانا راحت ایدوب یرینی سالدیق و ئوزیمزده چیراغی کیچرتدیك. گیجهنگ

بیر وقتی أیله بیلدیم که، اوشاقلارات آناسی منی دومسوکلییر. آیبلدیم: آرواد نه وار؟

آرواد گنه ده بینه حده بینه جواب ویردی:

_ گور، باشی کوللی قوناغك نه قاييرير؟

دیدیم—بلکه یهٔ اسیر، اما هوا ساکت ایدی. آقوشقایا طرف سورونوب باشیمی بیر قدر حیه طه طرف چیخارتدیم و گوردیم که، قوناغمز یاتدیغی اوتاغڭ پنجرهسیندن ألینی اوزادوب توت آغاجینڭ بیر بوداغیندان یاپیشوب چکیر و آغ توتلاری بیر—بیر آغاجدان ده ریب قویور آغزینا و «جونم، جونم»—دیبه اوخویور و بونی دا دیبر: «آخ غربتده مهتاب گیجه لری تکجه یاتان یازیق جانم وای!»

بونی گورنده چکیلدیم گیئری و آروادك قولاغینا دیدیم:

— آی آرواد، هرهنگ دنیادا بیر دردی وار، آخوند ملا فضلعلی ده یقین که دردلی انسانلارك بیریندندر. اما آند ویریرم سنی او کورپه اوشاقلارك جانینا، یورغانی چك باشگا یات، دخی منی شیرین یوخودان بیدار ایلمه!..

صبح تیزدن ندنسه همیشه کیندن تیز اویاندیم. حیهطده همان توت آغاجینگ دیبینه خالچا سالدیردیم، سماواری قویدوردیم و قوناغمز ایله باهم باشلادیق چای ایچمگه. آغ تونگ یئتگینلریندن

بیری دوشدی قاباغیمداکی استکانگ یانینا وگیجه کی فقره گلدی دوردی گوزیمك قاباغیندا و قوناغا دیدیم:

— آخوند ملا فضلعلی، سیز تك محترم وجودا باره سینده مهماننوازلق شرطلرینی دیبه سن لایقنجه عمله گتیره بیلمیرم؛ اوندان ئوتری كه دونن گوندوز منیم یادیمدا ایدی كه، گرك بو توتدان چیرپوب یاخشی یئتگینلریندن سیزه بیر پادنوس موافق قاعده تقدیم ایده ایدیلر كه، بیزیم ولایتك متاعنی ده دادوب ایرانك توتی ایله فرقنی ملاحظه بویوراید گزر. خواهش ایدیرم عفو بویوراسكز و بوندان سو گرا مئیلگز چكن كیمی امر ایده سكز كه، سیزه هر گون توت چیرپوب ویرسونلر، دخی كیجه لر شیرین یوخونی ئور گزه حرام ایدوب آغاجدان توت ده روب ییمگه محتاج اولمیاسگز.

بو سوزلرائ قاباغیندا ملافضلعلی استکانات قندینی قاریشدیرا۔۔ قاریشدیرا منه بیله دیدی:

آخوند ملا نصرالدین، من اللها مین شکرلر ایدیرم که، بو غربت ولایتده سیز تك بیر وجودا راست گلدیم و نه قدر که، سیزائه حضور گزدا قوناغام دنیادا بیر نعمت یوخدر که، من اونا ئوزیمی تامارزی حساب ایدهم، او که، قالدی همین توت مسئلهسی، سوز یوخ که، بو میوه جمیع میوه لراف الله لذیز و نجیبلریندندر و من نه اینکه بیرجه توتا، بلکه ده میوه جاتك هیچ بیرینه او قدر طالب دگلم، بیر صورتده که، الله ایویکری آباد ایلهسون. مهیلیم اولسا ایدی خواه دونن یا بو گون ایستردیم و لاکن گیجه

یوخودان بیدار اولماغیما علتی نه اینکه بیر توتدر، خیر، سیز اللها شکر جمیع سرلره واقف گرك اولاسگز که، انسان که، ئوز اهل بیتندن کنار اولدی، البته اونك ایچون بیرنوع ناراحتلك حاصل اولاجاق، خصوصاً منیم کیمی بیر الله بنده سی که، بتون عمریمده خواه غربتده خواه ئوز ولایتمزده اهل خانهمدن بیر دفعه ده اولسون کنار دوشمه میشم و عمریمده تك بیر گیجه نی تك و تنها یاتمامیشام. أه، خداوند عالم سیزك رتبه کزی گون گون گوندن آرتق ایلهسون، نه عیبی وار، هر گیجه نا بیر آیدینلنی و هر زمستانا بیر بهاری اولار، انشاء الله البته بیزیم ده گوره جگلی گونیمز وار، انسانا قسمتی ئوز وقتنده گلوب ئوزینه چاتاجاق، گونیمز وار، انسانا ولله کریمدر. خداوند عالم ئوز لطف و مرحمتنی سیز تك وجوده مضایقه بویورماسین ئوز بیرلیگی خاطرینه.

بلى،مطلب دخى لاپ آشكار اولدى.

همان گونی آخوندی بیر بهانه ایله مسجده تك یولا سالوب قالدیم ایوده و آروادی چاغیروب یاواشجا اونا دیدیم:

— آی آرواد، آخی بیلیرم سن ده گیجه لریاتماق ایسته بیرسن، والله من ده یاتماق ایسته بیرم، منه گیجه یاریسی اویانوب یاری چیغیرماق و توت آغاجینگ بوداقلاریندان توت دروب یئمك لازم دگل و بیلیرم که، بو ایشلر سنه ده لازم دگل. اما بونی بیل و ایشیت که، نه قدر قوناغمزا ایشی دوزه لمییوب بیزی قویمیاجاق راحت یاتاق.

آرواد، مندن سوروشدی که، بیز نه ایلیه که آخوند راحت یا تسون. من آچیقجا دیدیم که، گرك قوناغمزی أیولندیرك.

سوزان مختصری هاموسیندان یاخشیسیدد، بیزیم آدوادانی «خیرانسا» آدیندا بیر داییسی قیزی واد ایدی، قیرخ قیرخ بش یاشیندا بیر دول آدواد ایدی. بیر دست پالتادا و اون آلتی منات پولا خیرانسانگ صیغهسینی من ئوزیم اوخودوم آخوند ملا فضلعلییه و همان گون تونوم قونشو بیکاد آدوادلادانی کومکلیگی ایله و خیر دعاسی ایله خیرانسانی گیردیك تازه أدی ملا فضلعلینا وتاغنا.

خیلی موافق گلدی. هرچند خیرانسانگ بیر گوزی بیر قدر معیوب ایدی، اما دخی نه ایلمك، قسمت بیله ایمش.

آللها چوخ شکر اولسون!

آرخايينلاًياندان سوڭرا ياتدىق.

ديد،يم:

-- آی آدواد، آللها چوخ شکر اولسون، همی قوناغمزائے آرزوسی أله گلدی، همی بیز دخی بوندان سو گرا بیدار اولماریق. قوناقلاریمزا چای -- چورائے گوندروب آرخایینلایاندان سو گرا یاتدیق. الله اکبر! لعنت شیطانا! آکشی بیلمیرم گیجهنائی نه وقتی ایدی، یوخودا قولاغیما بیر تاقیلتی گلدی. گوزلریمی آچوب بیر شی باشا دوشمه دیم؛ بیر قدر ده قولاق ویروب گوردیم که، پنجره مزائے شیشه سینی بیریسی یاواشجا تیققیلدادیر. قالخدیم و گوزلریمائی بولاشیغنی سیله حسیله گوردیم که، بیر عمامه لی آدام،

عبا چیگنینده دوروب حیهطده پنجره نائه قاباغیندا؛ باحدیم که بو قوناغمز ملا فضلعلی در. چوخ تعجب ایله سوروشدیم: آخوند نه وار؟ قوناغم یاواشجا و گویا خلوتجه دیدی:

____alab.

خواهي آپاردي حماما.

من جواب ویردیم. «باش اوسته!» گهینوب چیخدیم حیه طه و آخوند ایله باهم گیتدیك قونشولقدا كی حاجی جعفر حمامینا. بهر حال قضا و قدردن قاچماق اولماز و گلهجگی بیلمك تك بیرجه خداوند عالمك شانینه یازیلوب. من أیله گمان ایلیه بیلردیم كه دخی آخوند ملا فضلعلی نگ باره سینده من هر بیر تكلیفیمی یرینه یتیرمیشم، دخی آرخایین ایدیم كه، بو بش—اون گونی او دا منیم أیویمده راحت اولاجاق و من ده ئوز اوتاغمدا ئوز اهل خانمله راحت یاتاجاغام. اما، بیله دگل ایمش، ایكنجی گیجه ده

الصبر مفتاح الفرج؛ هیچ عیبی یوخدر. هر شیئك دنیادا انتهاسی اولان کیمی، بو ایشلرائد ده البته بیر آخیری اولا بیلهجك.

آخوند ملا فضلعلی منی شیرین 'یوخودان اویاتدی و خواهی نه

اوچنجی گیجه ده یوخودا ایدیم، قولاغیما تیققیلتی گلدی، آییلدیم و گوردوم که، ملا فضلعلی دوروب پنجره نك قاباغیندا:

— آخوند، حماما؟..

دخی قورتاردی، دخی حوصله مك قدری او یش م كیمی ایدی: باشیمی پنجر ه دن چوله طرف بیر قدر چیخاردوب دیدیم:

ــ آخوند ملا فضلعلی، دخی منی باغشلا، من سندن عذر

ایسته بیرم، سنی من آند ویریرم پیغمیره، منیم کناهمدان کیچ، منیم آز قالیر آلتمش یاشیم اولا، دخی منده او قدر ذوق، صفا یوخدر که، سنه یولداشلق ایلیه بیلیم، هر گیجه حمامه گیتمه یه منیم طاقتم یوخدر، اللها شکر ایندی دخی حمامت یولینی تانیرسان؛ بو سفرده حماما منسیز گیت. دیدیم و چکیلدیم.

يورغاني چكديم باشيما...

آخوند ملا فضلعلی منسیز گیتدی حماما؛ اما همان گون ده بیزیم آیودن داشینوب کوچدی خیرانسانگ آیوینه. معلوم اولدی که، مندن اینجینوب، چونکه بیزدن گیدنده من ایله گوروشمهدی. بیر هفتهدن سوگرا ایشیتدیم که، خیرانسانگ طلاقنی ویروب یغیشوب گیدوب ایران وطنینه.

ایکی آلما

آخشام وقتلری گزمگه چیخاندا، هردنبیر بالاجا اوغلومی دا یانیمجا آپاریرام. بو دفعه ده آپاردیم.

و همان بالاجا اوغلوم ایله کُزْمگه گیدنده، هردنبیر اتفاق دوشور که، اونا یئمهلی شی ده آلیرامکه، مندن راضی قالسون.

بو دفعه ده بالاجا اوغلوم دکانلاردا دوزیلمش تازه نعمتی گورنده مندن یئمه لی بیر شی ایسته دی. من او عقیده ده دگلم که، هر دفعه اوشاق ایله بازاراگیدنده اونا بیر شی آلماق لازمدر و لاکن بونی دا دیمیرم که، هیچ بیر وقت آلماق لازم دگل.

آنجاق بو دفعه هیچ بیر زاد آلماق ایستهمیردیم، او سببه که، جیبیمده چوخ پولوم یوخ ایدی.

و بیرده ایسته مه دیم که، اوشاغم هر دفعه بازارا چیخاندا دادامال نوگرنسون. بیر قدر دولاندیق، سوگرا یولومز دریا کنارینا دوشدی. اما اوغلومی دا بی داماغ گوردیم.

چون تربیه نوز قاعده سینجه، او شاغ نوز طبیعتی بودا ئوز قاعده سینجه و اون آلی ایچون ده چوخ دا عناد ایتمه مک بابتندن دریا کناریندا، تاباغا دوزیلمش میوه لردن بیر شاهیا ایکی دانه یاخشی قیر مزی آلما آلدیم و ایکیسینی ده ویر دیم اوغلوما. هرچند یاخشی

اوغلوم آلمالاری مندن آلدی، اما گوردیم که، کو گلسیز آلدی. من اوندان بیدماغلغینگ سببنی سوروشمادیم، چونکه سببی آشکار ایدی. بازاردا بیر آز بوندان قاباق او مندن ایکی شی ایسته دی - هیچ بیرینی آلمادیم، بیر چارجو قوونی ایسته دی - آلمادیم. سو گرادا نمسه قنادی دکانینگ قاباغیندان کیچنده شیشه نگ دالینا دوزیلمش رنگارنك قنفت وشیرنیاتدان ایسته دی - آلمادیم.

اوغلوم او درجه مندن ناراضی ایمشکه، من آلمالاری اونا ویر ندن سوگرا دا گنه بیر سوز دانشماق ایستهمه دی و من اونا ویردیگیم سؤاللارا دا چوخ مئیلسیز جواب ویریردی.

دخی اونی قاشقاباغلی گورنده من ئوزیم ده بیدماغ اولدوم و آذرنفت ادارهسینگ قاباغیندا دوران تراموای واغونلارینگ بیرینه اوغلومی قالخیزدیم و ئوزیم ده میندیم که گلك أیویمزه.

واغوندا هله بزیم ایکیمزدن باشقا بیر کس یوخ ایدی. اوغلوم بویدا بیر بتیم روس اوشاغی جیر — جیندیر ایچینده اوز — گوزی قاپ — قارا چیر کلی و ایگره نج، گلدی، دوردی قاباغیمزدا و مندن بیر قبك یول ایستهدی.

جیبمده آنجاق بیر عباسی گموش پول وار ایدی. من اوشاغا بیر سوز دیمه دیم که کیچوب گیتسون. بیر نیچه مینیك آرواد و کشی واغوناگیر دیلر و ساغیمیزدا، سولومزدا یر دو تدیلار. بورادا منیم فکریم گیتدی یتیمه پول ویرمه مگیمه و دیلنچییه پول ویرمك لازممی، یا لازم دگلمی مسئله سی منی باشلادی مشغول ایتمگه:

هرکس نه دبیر دیسون، آنجاق دیلنچی اوشاغا هیچ بیر شی ویرمهمك منیم خوشوما گلمهدی. بورادان اونا اشاره ایتمیرم که، من هیچ بیر دیلنچییه یوخ دیمهنم، چونکه اولا بیلر که، بیر پارا فیلوسوفلارك دیلنچی به پول ویرمك، اونی بدیخت ایتمك سفته سی بلکه منه ده سرایت ایدوبدر، آنجاق سوزائ حقیقتی بودر که، بو گونکی دیلنچی اوشاغا بیر قپك ویرمهمگم منی بورادا خراب ایتدی؛ او سببه خراب ایتدی که، همان دیلنچی اوشاق ياشدا منيم آتالي—آنالي اوغلوم، اگني—باشي تازه، قارني توخ، بو ساعت بوردا منيم ساغ طرفمده مندن اينجيمش اوتور مشدى كه، نيه من اونا قنفت آلماديم، آنجاق آلما آلديم. واغونمز حركت ايدوب كيدند، آقوشقانك شيشهسينك داليندان گوردیم که همان دیلنچی اوشاق برده دوروب بیر قیرمزی آلمانی آغزينا باسوب گميرتلهير. قاباقجا بير شي دويماديم-اما همان دقیقه یانیمداکی اوغلیمك آلمالاری یادیما دوشدی و چوندیم اوشاغا طرف. اوغلوم گوله ــ گوله منه یاواشجا بونی دیدی:

ــ دەدە، آلمانڭ بىرىنى ويردىم دىلنچى اوشاغا.

بیر دانه قیرمزی آلما ئوز ـــئوزلیگینده بیر شی دگل. اونگ قیمتی ایکی قپکدر و یه یوب قورتاراندان سو گرا هیچ بیرشیدر. اما معنوی ایشلرده بیر آلمانات ده گهری اولا بیلر چوخ بیوك اولسون.

او قدر یونگوللك و كوڭل خوشلوغیكه بورادا ایكی قپكلك آلمادان منه گلوب چاتدی—نهایت درجهده ایدی.

فیلوسوفیا عالمنه گلدیکده ـ غیریلر دیلنچییه کوچهده اعانه ویرمگی نهجور باشا دوشورلر دوشسونلر و انسانیت متخصصلری بو مسئله نی نه طور حل ایدیرلر ایتسونلر. آنجاق منیم بیر بالاجا اوغلوم ایکی آلماسینگ بیریسینی بیر یتیم اوشاغا ویردی. و اولا بیلر که، اوغلوم دا ییکه لندن سوگرا بیر پارا عالملرك «کوچهده اوشاقلارا اعانه ویرمه یگز!» نصیحتنی ایشیدندن سوگرا اونلاری کوچهده گورنده منیم کیمی اوز چونده ده جگدر.

آنجاق هله که، ایندی اوغلوم بو ایشلری باشا دوشمیر. و اونك ایچون ده ایكی آلمانك بیرینی یتیم اوشاغا ویریر.

يوخى

حاجی میرزه آغا وفات ایتمشدی. چون بریم أیو آدامینا بیر نوع قوهوملنی چاتیردی مرحومات دفنینه تا قبر اوسته کیمی من ده گیتمگه مجبور اولدیم و حتا آخشام وقتی سرسلامتنه ده گیتدیم، من ئوزیم ده گیتدیم و أیو آدامیمزی دا آپاردیم.

کشیلر قاباق اوتاغا یغیشمشلار و عورت ده حیه گیرندن سو گرا مندن آیریلدی گیتدی ایچهری اوتاغا (قوهوملغی جهتندن اورایا بلد ایدی).

من گیردیم کشیلرائے بانینا و سلام ویروب کیچدیم یوحاری و اگلشدیم. ایکی عمامه لی ملا یوخاری باشدا دیز اوسته اگلشمشدی. و من اوتوران کیمی بونلارائے بیری اوجادان فاتحه دیدی و جماعت ده باشلادی کیمی بسمالله، کیمی الحمدالله دیبوب ئوز ئوزینه باواشجا ویرد ایلمگه. اوتاغائی اورتاسندا بیر عمامه سز ملاجیق دیز اوسته چو کوب قاباغندا بیر دسته جلدلی کتابچا، الینده بو کتابچالارائے بیرینی گوزینائی باویقینا دوتوب اوخویوردی. اگله شن کشیلرائے ده بیر بیچه سی اللرینده بو کتابچالارانی باواشجا میرتدانا وخویوردیلار.

بو کتابچالار قرآن خزاری ایدی که، عبارت اولا قرآن اوتوز حصه سندن.

مرحومت بیوك اوغلی كربلای تقی باش آشاغا و غمگین دورمشدی آیاق اوسته قاپونك آغزیندا. هر بیر ایچری داخل اولانا سلام ویروب اگلشندن سو گرا كربلای تقی ده یاواشجا دوردیغی یرده چو كوردی دیزی اوسته و بیریسی دوروب گیدنده كربلای تقی ده دیك قالخیردی آیاق اوسته و گیدن آدام اوزینی أیوك تازه صاحبنه دوتوب هره بیر جور تسللی ویریردی. بیری مختصرجه دیبردی:—آلله رحمت ایلهسون، اما بیری بیر آزدایانوب بیر ایكی سوز ده آرتق دیبردی:

— کربلای هیچ اوره گئی سیخما، بو دنیادا هیچ کس قالمیاجاق، بو دنیا نامرد دنیادر، هر یارانمشك آخری ئولمکدر، بو بیر آلله مصلحتیدر، بو ایشلرك بزه دخلی یوخدر، هیچ اوره گئی سیخما.

من حمد سورهسینی اوخویوب قورتاراندان سو گرا یاواشجا دیدیم: آلله رحمت ایلهسون.

من اوتوراندان سو گرا بیرایکی دقیقه مجلس ساکت کیچدی، دانیشان اولمادی. آنجاق بیر آدام منیم کیمی گیردی اوتاغا و اگلشدی، بونادا فاتحه دیبوب و گنه مجلس اهلی حمد سوره اوخودیلار و سو گرا گنه ساکیت لك عمله گلدی. آنجاق منیم صول طرفمده اگلشن مشهدی ذوالفقار ملالارا طرف اوزینی دوتوب سوروشدی. آخوند ملا احمد بو آی گرك کم یك اولا،

ملا دا باشینی قرآنگ جزئندن قالخیزوب دیدی: بلی، گرك كم یك اولا.

من ده مشهدی ذوالفقارا طرف چوندوم و دیدیم: بلی گرك کم یك اولا.

قرآنڭ بير جزئنى من دە عمامەسز ملاجقدان ايستەديم و آچديم باشلاديم اوخوماغا.

دخی بیلمیرم دنیانات هاراسندا ایدیم که، بیرده گوردیم أیو صاحبی کربلای تقی گلوب چو کوب قاباغیمدا و منی یوخودان اویادیر. معلوم اولدی که، منی بورادا شیرین یوخی دوتوب، باخدیم که، جزئات الف لام میم سوره سینات آنجاق ایکی صحیفه سینی اوخوموشام.

ئولوم خزئی قورتاردیم، ئوزکو گلومده فاتحه ویردیم. حمد سوره نی اوخودوم و قرآناتی حصه سینی ئوپدیم ویردیم ملاجیعا و دوردیم آیاغا.

— كربلاى تقى آلله ئوز بيرلگى خاطرهسى ايچون مشهدى عمو اوغلينى بهشتك الغ ياخشى يرينده اگلشديرسون و سنڭ وجودك ايله اونڭ اوجاغينى سونديرمهسون.

چیخدیق دالانا و کربلای تقی اوجادان چیغیردی:

-- آی اوشاق بلقیس باجی یا دیبگ-ملا عمو گیدیر، دورسون گلسون. بلقیس عورت بزیم اوشاقلارائ آناسینگ آدیدر. فانوسیمی دالاندا یاندیر دیلار ویردیلر الیمه، ئیندیم حیه طه و گوردیم که، عورت أیویندن بیر چادرشبلی عورت منیم دالیما

دوشدی و دالیمجا چیخدی کوچهیه من ده آرخایین فنار الیمده گدیرم.

هوا چوخ دا قارانلق دگلدی و بونگلا بیله الیمده کی فنار بیر آز دا ایشیق سالیردی. حاجی مرسل کوچهسینی کیچدیك چاتدیق علیمراد کورپوسینه، بورادان من کیچدیم و گوردیم که بلقیس چادرشبه برك—برك بورونوب دوروب منه طرف باخیر.

تعجب ایله دیم و بیر آز دا آجیقلاندیم و دیدیم دخی نه استخاره ایله بیرسن، گیجه کیچوبدر، بیله کُل گیدك. آرواد دوردیغی برده دوروب دخی بیر یانا حرکت ایله میردی. من گنه تاکید ایله دیم و بو دفعه بیر آز دا اوجادان بونی چاغیر دیم و بیلمیرم آغزیما گلن بیر نیچه آجیقلی سوز ده دیدیم.

آرواد ترپنمك ايستهميردي،

همی خیلی تعجب ایلهدیم و هم ده نهایتسز غیضلندیم و آروادا طرف بیله سوگوش گوندردیم:

پاهو! بو حینده منی حیرته گتیرن بو اولدی که، گوردیم آرواد دینمز ـــسویلهمز قاییدوب گیری کَیدیر.

ایسته دیم بردن بیر داش گوتورم و آروادا دالینجا قاچام، و ورام باش کوزی ازیلسون، اما بورادا دایاندیم و توز ورستوزیمه دیدیم بسمالله، بلکه بو بیر یوخودرکه من گورورم.

آنجاق بورادا بير سس ايشيتديمـــو يوخودان آييلديم.

اوزاقدان بیر کشی سسی «بلقیس» دیبوب هارایلیبردی. سس یاویقلاشدی و باخام که، مشهدی جعفر عمو اوغلی بزیم أیو آداممز بلقیسی دالینا سالوب گتیریر.

بورادا ایش آچیلدی. دیمه گینن منیم دالیما دوشوب گلن مشهدی جعفر عمو اوغلینگ عورتی بلقیس ایمش، و مشهدی جعفر عمو اوغلی دا آدوادلادگ ایچینده ئوز بلقیسینی تاپمایوب بیزیم بلقیسی گتیروب که، اونی منه تاپشیرسون و ئوزینگکینی آپارسون. هلهده ایلهدی. عورتنی قولاغم ایشیده—ایشیده مذمت ایله سالدی دالینا و آیاردی.

بزیم بلقیس ده دوشدی منیم دالیما و من ده بونی مذمت ایلیه—ایلیه و بلکهده سؤگه—سؤگه آپاردیم أیویمیزه. اوشاقلار هله یاتمامشدی. بالاجا هاجر بیزی گورن کیمی سهوینجك سوروشدی. ده ده هارا گیتمشدیگزر.

من آجیقلی جواب ویردیم: — جهنمه گیتمشدیك، كور! گیتمشدیك. اوشاق سسینی كسدی.

مندرجات

صحيفه	•
٣	بير نيچه سوز
14	پوست قو تو سی
t a	اوستا زينال .
۴٧	نگرانچيلق
a a	ایکی ار .
7.0	ملا فضلعلي
74	ایکی آلما
YY	يو خي